



108 GODINA SOCIJALDEMOKRATIJE U BOSNI I HERCEGOVINI

## 108 GODINA BORBE ZA RAVNOPRAVNOST

1909. godine radnici formiraju partiju koja će braniti i zastupati njihova prava i interes, tako nastaje Socijaldemokratska stranka Bosne i Hercegovine.

Ona će doživjeti brojne pravne i organizacione transformacije od svog nastanka do danas, ali nikada ne gubi kontinuitet i bez iznimki ostaje partija svih Bosanaca i Hercegovaca, radnog naroda koji se bori za socijalnu pravdu, za ravnopravnost ljudi u našoj zemlji i ravnopravnost Bosne i Hercegovine sa drugim zemljama.

SDP



# Husinska buna – prvi oružani otpor režimu Kraljevine Srba, Hrvata i Slovenaca

Husinska buna je oružani otpor rudara rudnika Kreke protiv nasilja organa državne vlasti u toku generalnog štrajka rudara Bosne i Hercegovine, održan krajem 1920. godine, nazvan po rudarskom selu Husino kod Tuzle. Mada je štrajk izbio zbog vladinog kršenja sporazuma o visini nadnica, koji je ona sama potpisala, proglašen je subverzijom. U njemu je učestvovalo oko 7.000 radnika, a vodila ga je Komunistička partija Jugoslavije, koja je iste godine na Vukovarskom kongresu promijenila ime iz Socijalističke radničke partije Jugoslavije. Štrajk je vođen preko Saveza rudara, na čelu sa Mirtom Trifunovićem Učom.

Rudarske porodice u Brezi, Kreki, Tuzli i Zenici iseljene su iz državnih stanova, a rudari mobilisani. Više od 300 iseljenih rudara iz Kreke, pretežno Slovenaca, povuklo se sa štrajkačkim odborom u Husino i druga sela kraj Tuzle. Njihov otpor vojsci, žandarmeriji i „Narodnoj gardi“, koje su pokušale da strance protjeraju, a domaće rudare primoraju na posao, u krvi je ugušen 28. decembra 1920. godine. Poginulo je sedam, a ranjeno

više desetina rudara i seljaka. Uhapšeno je oko 400 lica koji su se solidarisala sa štrajkačima. Surovi obračun policije i žandarmerije s rudarima u Bosni i Hercegovini izazvao je opšti revolt i protestne akcije radnika širom zemlje.

Trinaest mjeseci kasnije Husinska buna je dobila epilog u velikom sudskom procesu vođenom u Tuzli u januaru i februaru 1922. godine. Optužnica je teretila 350 rudara, a suđeno je 20-orici učesnika. Jure Kerošević, optužen za ubistvo žandara, osuđen je na smrt vješanjem, a 10 rudara na vremenske kazne od jednog do 15 mjeseci.

Žalba za pomilovanje odbijena je Juri Keroševiću, a saopćena mu je 24. oktobra 1922. godine. Na čitanju presude sam se pokušao usmrtiti, želivši time uskratiti vlastima zadovoljstvo da ga usmrte vješanjem.

Protiv tog suđenja i za spašavanje Keroševića vođena je u zemlji i inozemstvu velika akcija solidarnosti, poslane su desetine molbi za pomilovanje iz Hrvatske i BiH, uključujući i akademsku mladež zagrebačkog sveučilišta i 416 rudarskih radnika, pa su vlasti bile

prisiljene zamijeniti mu kaznu smrti za 20 godina robije. U sindikalnoj kampanji za oslobođenje uhapšenih rudara nakon štrajka i bune angažirao se Đuro Đaković, pisanjem se uključio Miroslav Krleža i drugi autori, brojni časopisi i radnička internacionala. Kraljevom odlukom Juro Kerošević pomilovan je na Okružnom sudu u Tuzli 1922. godine. Odluka o pomilovanju od smrte kazne izazvala je opće oduševljenje u Tuzli. Keroševiću je smrtna kazna zamijenjena sa 20 godina teške robije. Izdržao je punih 17,5 godina u kaznionici u Zenici.

Pušten je 1937. godine.

U spomen na ovu bunu i poginule rudare 1941.-1945., dan kad je izbila Husinska buna proglašen je Danom rudara. Tokom 1956. godine iza sadašnjeg Bosanskog kulturnog centra u Tuzli, uz južnu magistralu postavljen je najveći spomenik u gradu. Spomenik, djelo hrvatskog kipara Ivana Sabolića, predstavlja rudara koji u desnoj ruci ima pušku, a pod nogama krampu.

## IMPRESSUM

**UREDNIČKI KOLEGIJ:** Vedad Hajdarević, Malik Garibija, Denis Vrhovčić, Vesna Bukvić, Adnan Sobo, Kemal Lihic

**DTP:** Adi Kasumović

**Fotografije:** Nino Maričić

**E-mail:** informisanje@sdp.ba



# Organizirana politička borba za temeljne vrijednosti socijaldemokratije u BiH traje više od jednog stoljeća

**Naš zadatak jeste da se borimo za zemlju koja će biti drugačija i da se borimo za pravedno društvo.**



Krajem juna 2017. godine navršava se 108. godina od početka organiziranog djelovanja Socijaldemokratske partije u BiH.

Obilježavanje ovog događaja postaje tradicionalno unutar velike porodice SDP-a.

Svi zajedno imamo razloga biti ponosni na činjenicu da organizirana politička borba za temeljne vrijednosti socijaldemokratije u BiH traje već više od jednog stoljeća.

Ta borba i taj put, koji smo sami izabrali, nije lagana. Radi se o teškoj borbi i teškom putu.

Međutim, taj put je ispravan i za nas koji smo dio SDP-a i za sve one koji dijele naše ideale jednakosti, bratstva i slobode drugi put jednostavno ne postoji.

Današnja BiH je daleko od zemlje kakvu želimo i kakva je jedino moguća.

Današnja BiH žrtva je nacionalističkih politika koje se hrane podjelama i strahom.

Svi građani ove zemlje su jednake žrtve takve politike, bez obzira kojem narodu pripadaju i u kojem dijelu države žive.

Naši mladi odlaze iz BiH u ogromnom broju jer sve više gube nadu da je drugačija zemlja i drugačije društvo moguće.

Zadatak nas, u SDP-u, jeste da se borimo za zemlju koja će biti drugačija i da se borimo za pravedno društvo.

Stvaranje pravednog društva je cilj kojeg želimo postići, a njegova vizija koju moramo podijeliti sa što više ljudi, nuda je koju građani žele vidjeti i osjetiti.

Zato je naš temeljni zadatak vratiti nadu i vjeru građanima ove zemlje da je moguće voditi drugačiju politiku i da je moguće stvoriti drugačiju, pravedniju BiH.

Zato smo odlučili obilježavanje 108. godišnjice socijaldemokratske partije BiH organizirati u Banja Luci.

Iz tog grada želimo poručiti kako svaki dio BiH pripada jednakom svakom građaninu ove zemlje.

Svako od nas mora biti jednak u pravima na svakom metru ove države.

Takva BiH ne samo da je moguća, već je samo takva BiH moguća.

BiH nije ni srpska ni hrvatska ni bošnjačka već i srpska i hrvatska i bošnjačka i država svih drugih naroda i građana.

Imamo historijsku odgovornost, kao sljedbenici jedne velike i čestite ideje, boriti se hrabro i bez kompromisa za takvu državu.

Naše najjače oružje je istina, a oružje nacionalističkih stranaka je laž.

Laž nikada nije i neće pobediti istinu.

Zato sam siguran da je SDP danas kao moderna, progresivna evropska partija spreman biti predvodnik svih političkih i društvenih snaga koji dijele ovakvu viziju BiH.

Pred nama je odlučujuća godina u kojoj moramo učiniti sve da zaustavimo rasparčavanje svega u ovoj zemlji na tri dijela te na izbore 2018. godine izaći kao istinska alternativa trenutnoj nesposobnoj vlasti.

BiH kao pravedno društvo je naša vizija, a naš program i naše vrijednosti put ka ostvarenju tog cilja.

Zato ljudima ove zemlje moramo vratiti nadu i vjeru da je moguće voditi drugačiju politiku i da je moguće graditi pravedniju državu, BiH za sve nas.

Članicama i članovima Socijaldemokratske partije Bosne i Hercegovine čestitam rođendan naše Partije.

  
Nermin Nikšić



## Gradići trebaju socijalnu pravdu, a ne sadaka politiku

Federalni premijer Fadil Novalić nedavno je poručio građanima da novac za rješavanje njihovih sistemskih problema treba skupljati na donatorskim večerama. Irfan Čengić, generalni sekretar SDP BiH, smatra da ovakve izjave najbolje razotkrivaju politiku koju, decenijama, promovira Stranka demokratske akcije i njihovi zvaničnici.

„Premijer Fadil Novalić je slika i prilika SDA, samo ga u SDA nisu naučili da šuti ili da fino upakuje svoj nerad. Izjava koja govori kako bi bilo bolje da se za roditeljsku kuću djece oboljele od raka skuplja novac donacijama i

pozivima, umjesto da se napravi sistemsko rješenje za tu ustanovu, sramna je i u svakoj zemlji bi premijer nakon ovoga podnio ostavku, ali kod nas se to smatra nastavkom reformskog puta.

Osoba koja smatra da je sadaka sistem bolji od funkcionalnog socijalnog sistema, ne zaslužuje da bude na čelnom mjestu Vlade. Ovakve izjave najbolje objašnjavaju zašto je SDP, zajedno sa ostalim opozicionim strankama, u Predstavničkom domu Parlamenta FBiH pokrenuo inicijativu za njegovu smjenu, navodi Čengić.



## Pomožimo bh. privredi, izmjenimo način naplate PDV-a

SDP BiH je inicirao aktivnosti na izmjeni Zakona o PDV-u. Cilj ove inicijative je uvođenje sistema u kom firma državi plaća PDV tek kada ona sama naplati izdati račun. Saša Magazinović, zastupnik u Parlamentarnoj skupštini BiH i predsjednik Glavnog odbora SDP BiH, uputio je poslanička pitanja i u saradnji sa nevladinim sektorom i predstavnicima bh. privrednika pokrenuo rješenje ovog problema.

Prema trenutnom sistemu privrednici su dužni platiti PDV državi do desetog dana u mjesecu za sve račune koje su izdali prethodnog mjeseca. Međutim, nije rijedak slučaj da privrednici prodaju proizvod ili uslugu i izdaju račun, ali ne uspiju to naplatiti ili moraju čekati duži period na naplatu. U takvom slučaju plaćanje PDV-a na fakture koje još nisu naplaćene nerijetko bude pogubno za mala i srednja preduzeća, kao i za komunalnu privredu. Česta je pojava čak i da se privrednici zadužuju kod banaka da bi platili PDV i pokrili druge troškove poslovanja, a time dalje produbljuju problem sa visokim kamatnim stopama i potičešćama u praćenju dinamike otplate kredita.

Privrednici, poređ toga što moraju platiti PDV na nenaplaćene račune, istovremeno moraju iznaci načine i da isplate plaće i pripadajuće doprinose za svoje uposlenike, pokriju operativne i druge troškove poslovanja, itd. U svemu tome, teško da ostaje nešto za ulaganje u rast, razvoj, nova zapošljavanja, inovacije i sve što nameće savremeni trendovi poslovanja. SDP BiH poziva sve stranke da se priključe ovoj inicijativi koja će pomoći našoj privredi. Bh. privrednik koji je pokrenuo vlastiti biznis, zaposlio samog sebe, zaposlio druge ljudi, bori se da opstane, uplaćuje plate i doprinose radnicima i koji plaća svoje poreze, zaslužuje razumijevanje i napor da se trenutne barijere u poslovanju smanje koliko god je to moguće.



## Vlada FBiH ne želi da zaštitи domaće proizvođače finalnih proizvoda od drveta

Zastupnica Socijaldemokratske partije BiH u Federalnom parlamentu Jasmina Zubić postavila je nedavno poslaničko pitanje vezano za zaštitu domaćih proizvođača finalnih proizvoda od drveta.

“Nejasno je zašto Vlada odlaže usvajanje kriterija i donošanje istih vezuje za donošenje Zakona o šumama, kada je poznato da je prethodni Zakon o šumama 2009. godine Ustavni sud Federacije BiH proglašio neustavnim, a novi je od 2011. godine u proceduri i pitanje je kad će biti usvojen. Dalje je nejasno s kim je Vlada usaglasila da će po donošenju Zakona o šumama FBiH donijeti Uredbu o načinu

prodaje šumskih drvnih sortimenata, kad Privredna komora zahtijeva usvajanje kriterija još od 2016. godine. Iz odgovora je jasno da Vlada ne želi da zaštitи domaće proizvođače finalnih proizvoda od drveta, iako je svjesna da je što prije neophodno donijeti mjere kojima bi se destimulisao izvoz trupaca i obezbjedila sirovina za domaće proizvođače finalnih proizvoda. Usvajanje kriterija i uvođenje taksi na izvoz trupaca su mjere koje je neophodno što prije poduzeti i na taj način obezbijediti dovoljne količine sirovine za domaće proizvođače”, pojasnila je Zubić.

## „Disko“ i „kruške-j nije mjesto u

Povodom izjave ministricе obrazovanja Srednjobosanskog kantona Katice Čerkez, koja je mladima poručila da, umjesto da se bore za europske vrijednosti i protiv segregacija, idu u diskо, reagirala je i potpredsjednica Socijaldemokratske partije BiH Lana Prlić.

„Mladi ljudi su još jednom pokazali da imaju snagu i želju da se bore sa svoje vršnjake, za normalan život i da se suprotstave podjelama.“

Podjele su produkt političara i njima sličnih, koji našu djecu nazivaju kruškama i jabukama koje ne treba miješati, kao što je ranije izjavila prethodnica ministricе Čerkez Greta Kuna. Vjerovatno ministrica Čerkez ima plan, da zajedno sa svojim istomišljenicima, napravi i „dva diska pod jednim krovom“.



Na svim vrijednostima antifašizma, jednakosti, solidarnosti, slobode svih građana pred pravom, želimo da pravimo društvo jednakih šansi za sve ljudе koji žele normalan život u BiH. Dakle, svi oni koji žele na toj osnovi da razgovaraju sa nama, te da na toj osnovi pravimo blok koji će se suprotstaviti aktuelnoj vlasti, dobro su došli, poručio je nedavno u Dnevniku TV1 predsjednik SDP-a BiH Nermin Nikšić.

„Vrlo je jasna razlika koju danas imamo, kada uporedimo aktuelnu vlast. SDP nikada nije bio sam na vlasti. U periodu kada smo bili na vlasti, SDA je bila sa nama. U tom periodu, oni su uspjeli,

kao i danas što uspijevaju, da fakturišu sve ono što nije dobro u vlasti nekome drugom, a sve ono što se eventualno i pozitivno napravi, preuzimaju sebi. Mi smo vrlo jasni da smo kao politička partija koja je vodila vlast na državnom i federalnom nivou, te u nekim kantonima u periodu 2010 – 2014 svjesni nekih svojih propusta i grešaka, te da smo odgovorni za ono što nije bilo dobro. No, danas je očiglednije nego ikada kolika je razlika i koliko je pozitivnih stvari, pomaka u tom periodu bilo. Nikad više države BiH nije bilo, počev od Vijeća ministara BiH koje je bilo Vijeće ministara, koje je predlagalo zakone u državnom

## Ova vlast ne gradi, ne zapošljava, te smanjuje plate i penzije

Parlamentu, radilo na pripajanju i rješavanju pitanja evroatlantskih integracija, do konkretnih zakonskih rješenja i akata koji su vraćali nadu u državu BiH, do onoga što smo imali na federalnom nivou, gdje je i danas potpuno jasno da su investicije u javne radove, izgradnju infrastrukture, energetski sektor, modernizaciju rudnika, doveli do konkretnih zapošljavanja i povećanja penzija. Sve su to stvari koje su bile realne u tom periodu, a o kojima danas niko i ne razmišlja“, naveo je Nikšić.

## Ponuđena otkupna cijena malina od 1 KM je ravna elementarnoj nepogodi

Senad Subašić, član Predsjedništva Socijaldemokratske partije BiH i predsjednik Općinske organizacije SDP Tešanj, smatra da bi, što hitnije, neko iz institucija vlasti trebao i morao stati u zaštitu bh. uzgajivača malina.

„Projekat uzgoja i plasmana malina u BiH je reklamiran kao mogućnost samozapošljavanja i obezbjeđenja egzistencije mnogih porodica. Lijepa obećanja se, ovih dana, tope i množe uzgajivače dovode u stanje očaja. Ponuđene otkupne cijene malina su preniske i u neravnopravan položaj dovode uzgajivače, a za to vrijeme institucije šute!

Naime, ponuđena otkupna cijena od strane onih

koji su ugоварali otkup ne može biti biti dosta na ni za pokriće uloženih sredstava, a kamoli otplate kreditnih rata većine malinara. Možemo slobodno reći, ponuđena otkupna cijena je ravna elementarnoj nepogodi. Da li to znači da će neuredeni odnosi u državi biti prelamani „preko leđa“ ljudi koji se bore da prehrane svoje porodice? Pozivamo sve nadležne institucije da reaguju u cilju zaštite malinara i malinarstva, koje je često jedini izvor prihoda za mnoge porodice širom BiH. Ukoliko se nešto, hitno, ne poduzme, to bi bio još jedan doprinos vlasti, da nam cijele porodice iseljavaju iz BiH tražeći mogućnost za život“, rekao je Subašić.



## abuke“ ministrima obrazovanju

I sama sam bila učenica Gimnazije Mostar, koja je također škola koja radi prema sistemu „dvije škole pod jednim krovom“ i znam kroz šta prolaze učenici tih škola.

Više od 50 škola u Bosni i Hercegovini je podijeljeno, gdje učenici iste dobi iz istog grada idu u dvije različite smjene u školu, samo zbog toga što su jedni Hrvati, a drugi Bošnjaci. Srbe već odavno u ovim kantonima niko i ne spominje. Dvije smjene podrazumijevaju da se ta djeca ne viđaju i da uče iz različitih udžbenika.

Naša poruka djeci u Jajcu jeste da su oni ponos Bosne i Hercegovine. Ova djeca su uzor svim svojim vršnjacima u borbi protiv podjela i nadam se da su motivirali djecu diljem BiH da se bore, te pobijede ministre, ravnatelje i cijelokupni sustav, koji u 21. stoljeću, promovira segregacije i podjele“, navodi Priić.





## Protest pacijenata koji su dobili otpusna pisma bila je kap koja je prelila času

Inicijativu kojom bi bila zatražena smjena direktorice Kliničkog centra predložio je nedavno na sjednici Zastupničkog doma Federalnog parlamenta Klub poslanika SDP BiH.

Preciznije, predloženo je da u dnevni red bude uvršten zaključak kojim bi ovaj Dom zadužio Upravni odbor Kliničkog centra da odmah razriješi dužnosti direktoricu Sebiju Izetbegović, a ako to ne bude učinjeno, da Federalna vlada smijeni Upravni odbor. Većinske podrške nije bilo te inicijativa nije stavljena na dnevni red.

Damir Mašić, zastupnik SDP-a u federalnom parlamentu, objašnjava za šta se tačno optužuje Sebiju Izetbegović u inicijativi SDP-a.

“Sve što se dešavalo i protest pacijenata koji su dobili otpusna pisma je bila kap koja je prelila punu času. Svjedoci smo da proteklih godinu i po dana, što korespondira s dolaskom Sebije Izetbegović na mjesto direktorice UKCS-a, vrše famozne uštede koje pokazuju iz dana u dan da imaju posljedicu narušavanja zdravlja ljudi pa čak i života građana. Mi smatramo da nikakve uštede ne smiju dovesti u pitanje svrhu i cilj postojanja UKCS-a”, rekao je Mašić.

On je naglasio da je blizu 50 najvrsnijih stručnjaka, specijalista i šefova klinika napustilo UKCS.

“Takov udar ne bi podnio ni puno veći klinički centar. Pacijenti moraju donositi lijekove, materijale, zavoje, infuzije, analgetike itd. UKCS nije javno preduzeće poput GRAS-a gdje bi ovakav vid ušteda mogao dati neke rezultate. Uštede se ne smiju vršiti preko leđa građana”, mišljenja je Mašić i dodao da su se ‘stekli uslovi da se vidi gdje sve ovo ide’.

“FBiH ima direktnu nadležnost jer je jedan od osnivača UKCS-a. Trenutna direktorka posjeduje sve osim empatije, koja je neophodna za takvu ustanovu”, navodi Mašić.

Ipak, inicijativa – bez podrške. SDA i HDZ složni, tražili su prvo procedure.

“Ne radi se o procedurama, već o pokušaju iznalaska izgovora za ne glasanje o smjeni. HDZ i SDA imaju puno neslaganja, ali kada su u pitanju funkcije ili bliski članovi porodica Čovića ili Izetbegovića, pronađu se neki formalni razlozi. HDZ i SDA su brat i sestra koji uskaču jedni drugima kada treba. Otvoreno sam im rekao da se njima ne žuri, ali da se pacijentima na UKCS-u veoma žuri”, rekao je Mašić.



## Tekst krivičnog zakona je iznad svih stranaka, dobranamjernici će ga podržati

Zastupnik u Predstavničkom domu Parlamentarne skupštine BiH Denis Bećirović predstavio je razloge, sadržaje i važnosti usvajanja izmjena i dopuna Krivičnog zakona Bosne i Hercegovine, a koje se odnose na zabranu negiranja, poricanja, minimiziranja, opravdavanja ili odobravanja zločina genocida, holokausta i ratnog zločina protiv civilnog stanovništva.

“Moram reći da smo na izradi i pripremi ovog teksta radili posljednja četiri mjeseca, zajedno sa predstavnicima udruženja. Kao ovlašteni predlagač sam i zvanično ovaj prijedlog zakona uputio u parlamentarnu proceduru”, kazao je Bećirović, dodavši da su ga podržali 37 udruženja žrtava i civilnih organizacija iz cijele BiH.

Dodao je da je u postratnom periodu teško pronaći primjer da je u parlamentarnu proceduru došao jedan zakon sa tako velikom podrškom.

“Ovaj zakon je izvan i iznad stranačkog karaktera. To je zakon koji trebaju podržati svi dobranamjerni ljudi. Četiri su glavna razloga zbog kojih ovaj zakon predlažemo - 1. Zato što nikad ne smijemo odustati od borbe za istinu i pra-

vdu; 2. Zalaganje za potpunu implementaciju presude Međunarodnog suda pravde nema rok trajanja; 3. Ovaj zakon je potreban i radi živih i radi mrtvih; 4. Tekst ovog zakona treba da doprinese pomirenju i pravdi”, rekao je Bećirović.

Navodi da se tekstom zakona, u najkraćem, zabranjuje javno poricanje teškog umanjenja zločina, genocida, holokausta, zločina protiv civilnog stanovništva.

“Zabranjuje se javno poricanje svih presuda utvrđenih na međunarodnim i domaćim sudovima. Za sve one koji budu kršili ovu odredbu zakona, ovaj tekst zakona predviđa kaznu zatvora od šest mjeseci do tri godine. Također se zabranjuje distribuiranje materijala u cilju poricanja, negiranja, minimiziranja ili odobravanja zločina”, poručio je Bećirović, dodavši također da zakon predviđa zabranu negiranja presuda. Istočje da taj zakon ima čvrst ustavni osnov za usvajanje te da su u samom tekstu navedeni razlozi zbog kojih ga treba usvojiti.

“Poricanje genocida predstavlja posljednju fazu genocida. Mi to u Bosni i Hercegovini moramo znati”, kazao je Bećirović.

## Ideje o podjeli Ministarstva za pitanja boraca i invalida uvod u oživljavanje Herceg-Bosne

Informacija o tome kako će Odjel za branitelje HVO-a i Domovinski rat Hrvatskog narodnog sabora tražiti dvokomponentno uređenje Ministarstva za pitanje boraca i invalida Federacije BiH, predstavlja samo još jedan pokušaj oživljavanja zločinačke tvorevine Herceg-Bosne, smatra Zukom Helez, potpredsjednik Socijaldemokratske partije BiH i bivši ministar za pitanje boraca i invalida FBiH.

„Prije svega, radi se o vrlo perfidnom prijedlogu u kojem su branitelji samo paravan iza kojeg se kriju želje Dragana Čovića, koji u ovoj državi obavlja nekoliko predsjedničkih funkcija iz različitih oblasti i koji kroz Hrvatski narodni sabor, koji je privatna institucija HDZ-a, nastoji doći do formiranja trećeg entiteta.

Međutim, ono što stvara dodatnu bojazan da postoji realna šansa za ispunjenje i takvih prijedloga jeste činjenica da se na čelu Ministarstva za pitanje boraca i invalida nalazi Salko Bukvarević, koji za svog mandata nije našao za

shodno da se konkretno upetlja u svoj posao. Nažalost, sve vrijeme od izbora 2014. godine gledamo utrkivanje SDA i HDZ u tome kako oslabiti institucije, podijeliti resurse, zadužiti zemlju i što je moguće stvoriti veću međunarodnu tenziju u svrhu uspostavljanja dvije dominantne plemenske zajednice.

Dakle, u konkretnom slučaju se ne radi ni o kakvoj pravednijoj raspodjeli finansijskih sredstava, jer se raspodjela sredstava ne vrši po nacionalnom ključu, već prema broju korisnika prava.

Podjela ministarstva na bošnjački i hrvatski dio najbolje objašnjava da je zapravo stvarna želja institucionalni paralelizam, kao uvod u oživljavanje davno preminulog projekta Herceg-Bosne, kojem se, između ostalog, i danas sudi. Nažalost, od najavljuvane eksperitone reforme vlade dobili smo politički egzibicionizam, bez ikakvih vidljivih pozitivnih rezultata”, navodi Helez.



## Većina u Parlamentu FBiH je kao raštimani orkestar

Federalna Vlada još se nije izjasnila na prijedlog da izglasavanje nepovjerenja koji su potpisala 22 poslanika i zvanično ga predala u proceduru 17.maja. Istog dana, predstavnici stranaka parlamentarne većine (SDA,SBB i HDZ BiH) jasno su izjavili da ovakav prijedlog neće podržati kada se o njemu bude glasalo, dok opozicija očekuje, prije svega, korisnu raspravu na sjednici na kojoj se bude o nepovjerenju Vladi raspravljaljao.

„Nama je jasno da većina kad je u pitanju raspodjela moći, odnosno ministarstava odlično funkcioniše. Međutim, kad je u pitanju rad te parlamentarne većine i upućivanje zakonskih

prijedloga iz Vlade u Parlament, to ne funkcioniše. Posebno ne funkcioniše izglasavanje takvih prijedloga u većini. Od tri koaliciona partnera, svaki je nezadovoljan ministrima iz drugih političkih opcija u koaliciji. Tako da imamo jedno opšte nezadovoljstvo. Imamo i izjavu Dragana Čovića koji jasno kaže da parlamentarna većina više ne postoji i da će se poslanici morati snalaziti. Osnovni cilj nam je da se uzbilji rad Vlade FBiH, jer imamo totalni zastoj. Većina će vjerovatno braniti svoje ministre, jer nisu sigurni da će im partneri podržati nove, pošto nema povjerenja među njima“, kaže zastupnik SDP BiH Elvir Karajbić.



## Aktuelna vlast niti gradi autose, niti imaju objašnjenje za potrošene milijarde KM od akciza

troši taj novac. I sad kao treba da uvedemo nove namete građanima kako bi aktuelna vlast punila budžetske rupe, a ne da bi gradila "Koridor 5C", kazao je Bijedić.

Od ukupno predviđenih 335 kilometara autoputa koridora 5C do sada je izgrađeno 90 kilometara. Novac koji je proteklih deset godina bio prikupljen od akciza bio je praktično dovoljan za izgradnju kompljenog koridora.

“Očigledno da je došlo do zastoja u gradnji iako ima sredstava za to, međutim gdje se ta sredstva troše nikome nije jasno. Građani treba da znaju da se akcize prikupljaju u godišnjem iznosu od oko 700 miliona KM i onda se nameće logično pitanje zašto uvoditi nove namete kada nemamo podatak ni gdje su do sada prikupljena sredstva od akciza utrošena osim što je izgrađeno par trotoara po Sarajevu”, pojašnjava Bijedić.



## Kako je Federacija na koncesijama izgubila milijardu eura

Samo u budžetu bh. entiteta Federacija BiH godišnje bi se moglo "slijevati" 100 miliona eura od koncesija, a primjerice 2014. godine ta stavka u budžetu iznosila je tek 800.000 eura.

U drugom bh. entitetu – Republici Srpskoj, godišnje se od koncesija "uzme" i do 20 miliona eura. Istovremeno, umjesto da naplaćuju korištenje prirodnih i javnih dobara, vlasti se u istim iznosima zadužuju kod finansijskih institucija, i to po veoma nepovoljnim uvjetima, upozoravaju ekonomisti.

„Sramota je da država gubi toliko novca, a s druge strane uzimaju se veliki krediti koje ko zna kako će vraćati“, upozorava Željko Mirković, delegat SDP BiH u Domu naroda Parlamenta Federacije, koji je od Komisije za koncesije Federacije tražio procjenu godišnjih sredstava koja su se mogla prikupiti od ovakvih ugovora. „Od komisije sam dobio podatak da se radi o 200 miliona konvertibilnih maraka, a Federacija se zadužuje isto toliko. U trenutnom budžetu čak ni nema te stavke, koncesije kao prihod, uopšte nije naznačeno“, kaže Mirković, koji na pitanje zašto se korištenje javnih dobara ne naplaćuje, odgovara: „Očito je da su ti lobiji koji bi trebali plaćati koncesije toliko jaki da Vlada Federacije pod tim uticajem ne poduzima ništa. A Vlada, odnosno nadležna ministarstva su koncesori, prvo Vlada mora da odredi šta je koncesiono dobro, da bi onda Komisija za koncesije mogla provesti taj postupak i da se ta koncesija naplati“, objašnjava Mirković.

BiH je u proteklih deset godina uspjela prikupiti skoro osam milijardi KM na osnovu postojećih akciza na gorivo i sredstava za putarine. Bivši federalni ministar prometa i komunikacija Enver Bijedić smatra da je upravo ovaj podatak razlog zbog čega opozicija u državnom parlamentu nije podržala usvajanje seta Zakona o uvođenju novih akciza jer postavlja se pitanje šta je sa sredstvima koja su već bila prikupljena, kako su raspoređena, a u pitanju su milijadre maraka.

“U više navrata tražili smo kroz Parlament FBiH i državni parlament da dobijemo na uvid gdje se troše sredstva od sadašnjih akciza koje građani uredno plaćaju kroz naftu i naftne derivate uz ostale akcizne robe poput duhana, alkohola itd. Međutim, nikada nismo dobili odgovor gdje se



## U Evropu se ne može ići sa fašističkim obilježjima

Dakle, taj projekat koji je poražen 1994.godine prihvatanjem Vašingtonskog sporazuma, danas se pokušava oživiti i sve ono što se dešava na prostoru koji kontroliše HDZ asocira na pritisak i ucjene aktualnih vlasti da se popusti u stvaranju ambijenta koji bi mogao rezultirati ili trećim entitetom ili nepovoljnim Izbornim zakonom za sve građane BiH”, kazao je Lazović i dodao da se na taj način ne može približavati Evropskoj uniji.

“Ohrabruju izjave američke i austrijske ambasade i EU. Jasne su poruke poslane HNS-u i Dragu- nu Čoviću samo što još nije pomenuto njegovo ime, ali u izjavi austrijskog ambasadora tačno se mogao pronaći lik Dragana Čovića kao političara koji sve to podržava. U Evropu se ne može ići sa fašističkim obilježjima”, poručio je Lazović.

Miro Lazović, potpredsjednik Socijaldemokratske partije BiH smatra da je BiH pobijedila svoje vanjske neprijatelje, ali još uvijek se susreće sa unutrašnjim protivinicima.

„Kada se oko sebe okrenemo vidimo da je protekli period prošao u političkim sukobima koji su bh. društvo držali u stalnim tenzijama i u tome kontekstu neki poraženi projekti iz vremena agresije na BiH danas se pokušavaju oživiti. Tu prije svega mislim na projekat Herceg Bosne kojeg neskriveno protagonisti te politike pokušavaju vratiti na političku scenu, a prošle godine Dragan Čović je na godišnjici tzv. HZ-HB izjavio da se treba vratiti na ideološkoj matrici Herceg Bosne i Mate Bobana.



## SDP uputio zahtjev Ustavnom sudu BiH za ukidanje diskriminacije glasača iz dijaspora

Socijaldemokratska partija BiH je, simbolično, na Međunarodni dan izbjeglica, kada se čitav svijet podsjeća na ugrožavanje dostojanstva i ljudskih prava izbjeglica i prognanika, odlučila uputiti Zahtjev za ocjenu ustavnosti odredbi iz člana 3.15. Izbornog zakona, kojom se naši državlјani van BiH naročito diskriminišu.

Prema riječima Hasana Muratovića, zastupnika SDP BiH u Predstavničkom domu Parlamenta FBiH, u BiH je prisutan trend masovnog iseljavanja stanovništva pod trenutnom vlašću, pa je vrlo moguće da uskoro budemo imali više glasača u inozemstvu, nego unutar naše države.

„SDP BiH je od Centralne izborne komisije BiH ranije tražio izjašnjenje o zakonskoj osnovi za provođenje procedure kojom se uvjetuju državlјani BiH, koji su bili registrovani za glasanje iz inozemstva na ranijim izborima, da moraju ponovno uoči svakog izbornog ciklusa popunjavati i dostavljati dodatne obrasce i kopije identifikacionih dokumenata za učešće na svakim sljedećim izborima. U svom odgovoru CIK BiH ne navodi nikakvu ustavnu osnovu za svoje postupanje, nego ističe da je samo članom 3.15 Izbornog zakona propisano da su državlјani koji su u inozemstvu, kao i ono sa statusom izbjeglog lica, da bi se nalazili u izvodu iz Centralnog biračkog spiska za glasanje izvan BiH, dužni podnijeti prijavu CIK-u za svake izbore. Provedba spomenute odredbe za posljedicu ima da je BiH „izgubila“ više stotina hiljada glasača u inozemstvu zbog nametanja stalne obaveze re-registracije. Navedeno postupanje CIK-a, koje smatramo neustavnim, prouzročilo je značajnu štetu kojom je de facto uskraćeno puno izražavanje izborne volje stanovništva, ali suštinski indirektno onemogućen politički pluralizam i pravo političkog zastupanja pod jednakim uslovima tih građana u sredinama iz kojih potiče prognano, izbjeglo ili iseljeno stanovništvo“, navodi Muratović i dodaje da je članom IV Aneksa 3. Okvirnog sporazuma za mir u BiH precizirano da svi državlјani imaju jednako pravo glasa, a da se korištenje prava glasa izbjeglica valja tumačiti kao potvrda njihove namjere povratka u BiH. Potpise za ovaj Zahtjev su, osim federalnih zastupnika SDP-a, svojim potpisima podržali i zastupnici Demokratske fronte, HDZ 1990 i dva nezavisna zastupnika. Očekujemo da po našoj apelaciji Ustavni sud riješi što prije, kako bi već na sljedećim izborima bilo osigurano ustavom zagarantovano jednako pravo glasa svim građanima BiH, neovisno o njihovom prebivalištu“, zaključuje Muratović.



## Najopasnija elementarna nepogoda, Vlada FBiH, ukida dodatak vatrogascima!

Delegat Socijaldemokratske partije BiH u Domu naroda Federacije BiH Aner Žuljević, komentarisao je prijedlog izmjena Zakona zaštite od požara i vatrogastva, koje vatrogascima ukidaju dodatak na posebne uslove rada u visini od 30 posto, koji je Vlada FBiH uputila u parlamentarnu proceduru.

„Kada bi se takmičili u tome da osmislite šta bi to bio vrhunac štetnosti i mazohizma u radu SDA-ove Vlade FBiH i premijera Novalića, vjerojatno bi pretjeranom ocijenili ideju da uoči sezone požara vlada vatrogascima ukine dodatak. Ipak, da za Novalića, SDA i HDZ ništa nije pretjerano kada govorimo o izmaštavanju ideja za uništenje Federacije, pokazuje činjenica da je Vlada parlamentu uputila upravo takav prijedlog!“, naveo je Žuljević i osvrnuo se na posljedice koje ova odluka može prouzročiti.

„Ova odluka nije nimalo bezazlena niti smiješna, naročito stanovništvu Hercegovine, čije su šume, pa i brojna poljoprivredna i druga dobra desetkovali požari u prošlih nekoliko godina. Novalićev odgovor je ukidanje dodatka na posebne uslove rada upravo onim koji bi trebali rizikovati svoje živote za gašenje tih požara! Tako, nakon što su Hercegovinu i Mostar opljačkali, opustošili, razdijelili, proizveli

haos i bezvlašće, ostalo je izgleda još samo da za kraj sve spale“, dodaje Žuljević.

Komentarišući pravdanja da se radi o provedbi presude Ustavnog suda BiH, Žuljević je rekao da se radi o manipulaciji i jednostranom tu-maćenju.

“Bilo je mnogo načina da se presuda provede bez umanjenja primanja vatrogasaca, ali ne – Novalićeva Vlada je jedva dočekala da gurne ruku u njihov džep, dok istovremeno ne vide ništa sporno i nemoralno u svojim enormno uvećanim naknadama za odvojen život. Zapanjujuća je efikasnost i hladnokrvnost kojom vlada provodi presude kada ih može koristiti kao ispriku za siromašnje raznih kategorija stanovništva, dok za one koje se tiču jačanja građanskog učešća u raspodjeli vlasti, poput izbora u Mostaru, začudo nikako da iznađu rješenje“, smatra Žuljević.

Žuljević je zaključio da „po Federaciju najteža prirodna nepogoda nisu poplave niti požari, nego, nažalost, nesposobna piromanska Vlada FBiH predvođena Novalićem, pod kojom su sprženi milioni KM planirani za nastavak izgradnje koridora 5c i milioni iz fonda PIO, a da pritom nije osigurana niti jedna ozbiljna razvojna međunarodna investicija“.

## Mehmed Mujić učesnik Svjetskog kongresa Roma u Budimpešti

Nedavno se u Mađarskoj održao Svjetski kongres Roma, uz učešće Roma iz 30-ak zemalja svijeta. Događaju u Budimpešti prisustvovali su brojni predsjednici vlada i visoki vladini zvaničnici, predstavnici civilnog društva i međunarodnih organizacija iz regije, a jedini predstavnik iz Bosne i Hercegovine bio je Tuzlak Mehmed Mujić, član Socijaldemokratske partije BiH i bivši vijećnik SDP-a u GV Tuzla. Mujić se u uvodnom dijelu Kongresa obratio učesnicima i ukazao na brojne probleme sa kojima se susreću Romi u BiH. Neki od Mujićevih prijedloga za prevaziđenje problema Roma u cijelom svijetu su otvaranje zajedničkog ureda Svjetske federacije Roma i Evropske Unije u cilju konkretnog praćenja provođenja mjera iz Akcionih planova, unaprijeđenje uslova života Roma u cijelom svijetu u svim segmentima

(obrazovni, zdravstveni, stambeni....).

Mujić je zatražio hitno podnošenje urgencija, apelacija i zakonodavnih rješenja sa najviših svjetskih nivoa za provođenje odluke Sejdic-Finci u cilju poštovanja ljudskih-romskih prava u svim zemljama.

“Život Roma u BiH još uvijek je podložan konstantnoj diskriminaciji i predrasudama. Međutim, iz dana u dan je sve više pozitivnih primjera iz prakse. Naime, Tuzlanski kanton daleko prednjači u odnosu na sve ostale kantone u BiH u skoro svim segmentima: u obrazovanju i broju romske djece koja se školuju na svim nivoima, zdravstvenom osiguranju, stambenom zbrinjavanju, infrastrukturnim ulaganjima, unapređenju komunalnih usluga, putne komunikacije i rasvjete“, istaknuo je Mujić.



YouTube kanal SDP BiH ima preko 9.200 videa sa više od 2.000.000 jedinstvenih pregleda. Kanal je aktivan još od 2008. godine, a najgledaniji video pogledalo je više od 100.000 osoba! Sve medijske istupe i snimke događaja koje SDP BiH organizuje nastojimo prenijeti i podijeliti na našem YouTube kanalu, kom možete pristupiti i preko portala sdp.ba ili putem naše aplikacije.

Ovdje donosimo nekoliko novijih videa koje možete pogledati skeniranjem QR koda!



### **Bećirović: Krivični zakon je iznad stranačkog karaktera i zato ga trebaju svi podržati**

Zastupnik u Predstavničkom domu Parlamentarne skupštine BiH Denis Bećirović predstavio je na konferenciji za medije razloge, sadržaje i važnosti usvajanja izmjena i dopuna Krivičnog zakona Bosne i Hercegovine, a koje se odnose na zabranu negiranja, poricanja, minimiziranja, opravdavanja ili odobravanja zločina genocida, holokausta i ratnog zločina protiv civilnog stanovništva.

Video pogledajte učitavanjem koda preko telefona ->



### **Mašić: Smijeniti Sebiju Izetbegović jer je njen rad štetan za pacijente UKCS**

Press konferencija o inicijativi zastupnika SDP BiH u Predstavničkom domu Parlamenta FBiH za smjenu direktorice UKCS Sebije Izetbegović.

Video pogledajte učitavanjem koda preko telefona ->



### **Nikšić: Moramo učiniti sve da ova vlast napravi što manje štete do izbora**

Gostovanje predsjednika Nermina Nikšića u Dnevniku TV1 o aktualnim političkim pitanjima.

Video pogledajte učitavanjem koda preko telefona ->



### **Imamović: BiH je multikulturalno biće, nikakve podjele ne dolaze u obzir**

Gostovanje Jasmina Imamovića u emisiji Odgovorite ljudima, povodom inicijative za racionalizaciju kantona u FBiH.

Video pogledajte učitavanjem koda preko telefona ->





## SDP BiH i DF utvrdili plan zajedničkog djelovanja

Nedavno je u centrali Demokratske fronte u Sarajevu održan razgovor delegacija Socijaldemokratske partije BiH i Demokratske fronte, koji su predvodili predsjednici ovih stranaka, Željko Komšić i Nermin Nikšić.

Sastanak je konkretizirao aktivnosti na okupljanju lijevih i građanskih političkih opcija, nevladinih organizacija, intelektualaca, mlađih – u front za skidanje sa vlasti aktuelne nacionalpolitičke oligarhije.

U tom smislu je dogovorena koordinacija i redovni sastanci zajednički klubova poslanika i delegata SDP-a i DF-a na svim nivoima.

Činjenica je da sadašnja vlast na svim nivoima

vodi ovu zemlju u propast, nove podjele i potpuno neizvjesnu budućnost. Nastavi li se ovako, ne samo da smo sve dalje od NATO i EU integracije, već građanima ove zemlje prijeti ekonomsko – socijalni kolaps, a nacionalistička mantra na koju sve ovo vrijeme igraju vladajući ne isključuje nove nacionalne sukobe.

Razgovarano je o modalitetima saradnje u okviru ovog jedinstvenog fronta, platformi i ciljevima djelovanja, a u prvom planu su tri glavna cilja - sačuvati BiH, državu ravnopravnih građana i naroda od bilo kakvih novih podjela po nacionalnoj matrici i stavljanja naroda u plemenska geta; na izborima 2018. Godine skinu-

ti nacionalistički koncept vlasti i ponuditi svim građanima BiH konkretne programe i projekte koji će zaustaviti ovaj strmoglavi put u propast, vratiti dostojanstvo svakom građaninu ove zemlje, posebno nezaposlenima, penzionerima, radnicima i mladoj populaciji. Ukoliko se to ne desi 2018. godine bojimo se da će to biti kraj Bosne i Hercegovine kakvu hoćemo i za koju su se borile generacije prije nas! Na sastanku je utvrđen plan daljnjih aktivnosti i zajedničkog djelovanja lijevog, građanskog i patriotskog bloka.



Odbor za afirmaciju i zaštitu vrijednosti antifašističke borbe naroda i narodnosti

## Ulice i ustanove ne mogu nositi nazine po fašistima i njihovim saradnicima!

Održana je konstituirajuća sjednica Odbora za afirmaciju i zaštitu vrijednosti antifašističke borbe naroda i narodnosti SDP BiH.

Odbor, kao stalno radno tijelo Predsjedništva SDP BiH, bavit će se afirmacijom, promocijom i zaštitom tekovina antifašizma, kao temeljne vrijednosti slobodnog i naprednog društva, posebno promocijom vrijednosti nastalih na NOB-u periodu 1941.-1945. godine, te afirmaciji značaja Rezolucija I i II zasjedanja ZAVNOBiH-a, kao i zaštiti tekovina odbrambeno-oslobodilačkog rata za demokratsku i multietničku BiH u periodu od 1992. do 1995. godine.

Poseban rad Odbora biće usmjeren na razotkrivanja, osvjetljavanja i zaustavljanja kontinuiranog djelovanja na falsificiranju, iskrivljavanju i

devalviraju historijskih činjenica o ulozi KPJ-a i Josipa Broza Tita u Narodnooslobodilačkoj borbi i Socijalističkoj revoluciji, te poslijeratnom razvoju Bosne i Hercegovine.

Zbog sve prisutnijeg porasta fašističkih ideja u BiH, članovi odbora kontinuirano će raditi na sprječavanju bilo koji oblika fašističkog djelovanja, poricanja genocida i ratnih zločina, ali se i boriti na razotkrivanju i suprotstavljanju politika etnonacionalističkih vlasti i dominantnom nacionalnoj podjeli zemlje, te raditi na sprječavanju širenja međunacionalne mržnje i netolerancije.

Odbor okuplja istaknute antifašiste iz političkog i opštedsržvenog miljea cijele Bosne i Hercegovine, koji će kontinuirano raditi na afirmaciji slobode, jednakosti, pravde i solidarnosti među

narodima naše zemlje. Fokus izrade programa djelovanja biće afirmacija i zaštita tekovina antifašističke borbe naroda BiH, te će poslužiti kao smjernice za dalji rad i djelovanje SDP BiH i njenih zastupnika na svim nivoima vlasti.

Na svojoj konstituirajućoj sjednici odbor je usvojio i javni poziv svim nadležnim nosiocima izvršne i zakonodavne vlasti na svim nivoima u BiH da izmijene nazine ustanova, ulica i trgova koji nose imena po dokazanim fašistima i njihovim saradnicima, te presuđenim ratnim zločincima, ali i da obustave svaki vid jačanja fašističkih i nacionalističkih ideja u BiH. Za predsjednika ovog Odbora je imenovan Muzafer Šehović.



## POLITIČKA ŠKOLA

# Realiziran projekat Političke škole u pet gradova

Politička škola održana je nedavno u pet gradova - Mostaru, Sarajevu, Doboju, Bihaću i Tuzli. U saradnji sa Forumom lijeve inicijative i Fondacijom Friedrich Ebert, ova škola je zaista postala prepoznatljivo ime za neformalni vid obrazovanja u oblasti društveno-političkog aktivizma. Prva škola je održana prije šest godina u Sarajevu i danas je prerasla u prestižnu edukaciju namjenjenu svim mladima u Bosni i Hercegovini. Sudjelovanjem na Političkoj školi, učesnici i učesnice su imali priliku da razmijene iskustva, te unaprijede svoja znanja i vještine za društveno i političko djelovanje. Tehnike dobrog javnog nastupa, izrada javnih politika, politički sistem Bosne i Hercegovine, izborni procesi, žene u politici, saradnja NVO i političkih partija, su teme koje su obilježile ovogodišnju Političku školu, i to sa eminentnim predavačima iz datih oblasti. Prvi dan Političke škole, učesnici i učesnice su imali priliku razgovarati sa zastupnicima i predstvincima FES-a, FLI-ja i SDP BiH o aktualnim društveno-političkim dešavanjima, a, Albin Muslić, Aleksandar Vujadinović, Amila Hodžić, Damir Filipović, Damir Mašić, Enver Bijedić, Fakta Kulenović, Jasmin Imamović, Lana Prlić, Marius Muller-Henning, Mirsad

Mahmutagić, Mladen Lonić, Senaid Begić, Vesna Saradžić, Zoran Mikulić i Željko Mirković su im iz prve ruke prenijeli svoja iskustva. Na kraju Političke škole, učesnici i učesnice su podijelili svoje oduševljenje sjajnom organizacijom političke škole i izvrsnim edukatorima i edukatoricama. Nakon škole, slijedi Akademija socijalne demokratije kao treći nivo edukacije.



## Mile Stojić, Džemal Bijedić i Mehmed Pozderac pristupili u SDP BiH

Džemal Bijedić i Mehmed Pozderac, unuk Džemala Bijedića i sin Hakije Pozderca, istaknutih bh. političara i državnika, su nedavno potpisali prisupnice i postali članovi Partije. Ovo je još jedan u nizu koraka jačanja, okupnjavanja i okupljanja ljevice na kojoj SDP predano radi.

„Familija Pozderac se uvijek zalagala za dignitet čovjeka i dostojanstvo življenja, sa neupitnim opredjeljenjem za trajne humanističke vrijednosti, za pravednost i etičnost mišljenja i postupanja. Socijaldemokratska ubjedjenja su duboko utemeljena u meni i to do samog djetinjstva, te je logično da je sazreo trenutak da shodno svom životnom i profesionalnom iskustvu i ja preuzmem dio obaveza i odgovornosti kao član SDP BiH u daljinjem

građenju partije, države i društva u cjelini. Nemam nikakvu dvojbu da je put kojim ide SDP zahtjevan ali je moja odluka da iskoračim u ovom pravcu zasnovana na iskrenoj vjeri u sve ljude među našim narodima i narodnostima. Živjela Bosna i Hercegovina, živjela Socijaldemokratska partija Bosne i Hercegovine“ poručio je Mehmed Pozderac u svom obraćanju prisutnima. „Godinama su me pokušali gurnuti u politiku ali uporno sam se opirao. Većina vas vjerovatno već zna, a oni koji ne znaju trebaju čuti da se u SDP-u dešavaju velike promjene, od lokalnog nivoa do samog vrha. Drago mi je da mi je SDP prišao u ovoj situaciji i drago mi je ako mogu pomoći. Želim doprinjeti da SDP u svim svojim ideoškim ubjedjenjima bude jači, da napreduje, a zajedno sa SDP-om da napreduju i svi građani Bosne i Hercegovine“, izjavio je Džemal Bijedić.

Poznati bh. pjesnik Mile Stojić je također nedavno pristupio SDP BiH. Javnosti je Mile Stojić poznat i kao supotpisnik otvorenoga pisma petorice bosanskohercegovačkih i hrvatskih intelektualaca (Ivo Komšić, Miljenko Jergović, Ivan Lovrenović, Mile Stojić i Ivan Kordić) upućenog iz Sarajeva, 6. januara 1992. godine, predsjedniku Hrvatske Franji Tuđmanu kao „odgovornom za političko uništenje Bosne i Hercegovine“.

## Neprihvatljivo dodatno odgađanje primjene Zakona o suzbijanju korupcije i organiziranog kriminala u FBiH

Socijaldemokratska partija BiH je pozvala Vladu Federacije BiH da povuče iz parlamentarne procedure izmjene Zakona o suzbijanju korupcije i organiziranog kriminala, kojim se želi odgoditi početak primjene ovog Zakona do kraja 2017. godine. Ovo je jeftin i sraman pokušaj stvaranja alibija za kriminaliziranu vlast, koja već dvije i po godine odbija provoditi ključni antikorupcioni zakon u FBiH.

Umjesto toga, Vlada FBiH bi trebala odmah osigurati sredstva za početak rada Posebnog odjela Vrhovnog suda FBiH i Posebnog odjela Federalnog tužilaštva kako bi se zakon konačno počeo primjenjivati.

Podsjećamo kako je zakon na snazi od početka 2015. godine, te da je Vlada FBiH koju je vodio SDP u budžetu za 2015. godinu predvidjela dovoljna sredstva za početak rada ovih odjela, ali je Vlada predvodena SDA odbila utrošiti ovaj novac.

Nakon toga se dvije godine u okviru budžeta Vrhovnog suda i Federalnog tužilaštva odbijaju planirati sredstva za ove namjene što je zakonska obaveza. Mi, u SDP-u, nemamo dileme da ova vlast ne želi osigurati primjenu zakona koji treba, prije svega, omogućiti efikasno procesuiranje najtežih oblika sistemske korupcije i organiziranog kriminala u FBiH, u skladu sa najboljim evropskim praksama.

Jasno nam je da su u vladajućoj koaliciji svjesni kako će tako konačno na red doći i obračun sa njihovom dvodecenijском pljačkom.

Borba protiv kriminala i korupcije nije, međutim, pitanje interesa kriminalaca i vlasti koja ih štiti i sponzoriše, već prvorazredni interes građana ove zemlje koji zaslужuju život u društvu u kojem se kriminal ne isplati.

# Izborni program 2018





Socijaldemokratska partija BiH je obilaskom organizacija širom Bosne i Hercegovine, omogućila članstvu partije da direktno učestvuje u prijedlozima za izradu izbornog programa SDP-a za opće izbore 2018. godine.



ZENICA



MAGLAJ



TESLIĆ



GRADAČAC



GRAČANICA



SARAJEVO



GO SDP BiH Mostar

## SDP-u BiH pristupila Vesna Šunjić



U nizu aktivnosti Gradske organizacije SDP Mostar posebna pažnja posvećena je prijemu novih članova, koji prepoznajući ideje socijaldemokratije u sve većem broju pristupaju SDP-u BiH. Najveći broj je mladih ljudi što posebno raduje, ali i poznatih ličnosti i dokazanih stručnjaka raznih profila.

Između ostalih, u cilju potpore jačanju ljevice i sa željom da se stvari u Mostaru mijenjaju na bolje, članom SDP BiH postala je i Vesna Šunjić, modna kreatorka i nekadašnja dugogodišnja direktorica Modne konfekcije "Zlatka Vuković" iz Mostara.

Za 17 godina ova firma pod njenim rukovodstvom od radionice sa jednom uposlenicom i posuđenom mašinom za šivanje izrasla u respektabilnu firmu sa preko 500 uposlenika i tri fabrike izgrađene vlastitim sredstvima. Primačući člansku kartu SDP BiH, od predsjednika GO SDP BiH Mostar, Edina Zagorčića, Vesna je izjavila da joj ne trebaju nikakve funkcije.

"Tu sam da pomognem da se stanje u Mostaru mijenja, tu sam da animiram i druge kako bi svi zajedno Mostar povukli na bolje i ponovo ga učinili gradom u kojem se dobro živi od vlastitog rada", rekla je Šunjić.

## KO SDP BiH Tuzla

### Dr. Vahid Jusufović novi član crvene porodice

Načelnik Klinike za očne bolesti Univerzitetetskog kliničkog centra u Tuzli, prof. dr. Vahid Jusufović pristupio je SDP BiH.

"Smatram da je jedina opcija opstanka i napretka Bosne i Hercegovine demokratska opcija kao što je SDP BiH. Stranke sa nacionalnim predznakom u principu ne trpe intelektualce niti vrednuju stvarni rad i rezultate rada", rekao je dr. Jusufović.

"Dobro poznam zdravstveni sistem u Bosni i Hercegovini i načine upitanja politike do neologičnih granica. Smatram da moj rad u SDP-u može politički artikulisati stanje u zdravstvenom sistemu koje je potrebno ubrzo reformisati", dodao je dr. Jusufović.

Potpisivanju pristupnice su prisustvovali predsjednik SDP BiH Nermin Nikšić, potpredsjednik SDP BiH Denis Bećirović, predsjednik i sekretar Kantonalne organizacije SDP BiH Tuzla Enver Bijedić i Husein Tokić, te predsjednik Općinske organizacije SDP BiH Tuzla Sladjan Ilić.



## Predsjednik SDP Čapljina Ante Krešić svoj vijećnički mandat ustupio mladom stranačkom drugu

Nedžad Merdan, student iz Čapljine, nedavno je postao vijećnik Socijaldemokratske partije BiH u Vijeću Općine Čapljina. Ova priča ne bi bila neobična da mu to nije omogućio stariji stranački drug Ante Krešić, ustupajući svoje vijećničko mjesto. Vođen uvjerenjem da mladi mogu i moraju graditi ovu zemlju boljom nego što jeste, Ante se iz vijeća povukao u korist mladog Nedžada. "Mi, stariji, trebamo više prepustati bitna mjesta mlađima, kako bi im se pružila prilika i čuo njihov glas. Ujedno mislim kako ćemo na ovaj način privući više mladih u SDP. Mi smo jedina stranka koja je na svakoj listi na izborima imala najmanje 40 posto mladih. Moramo imati više povjerenja u mlade i prepustiti im ovu državu. Siguran sam da oni mogu i da hoće uraditi bolji posao od naše generacije", kazao je Ante Krešić, predsjednik čapljinskog SDP-a, pojašnjavajući svoj nesobični gest.

Nedžad Merdan kaže da se nuda da će opraviti povjerenje druga Ante, SDP-a i građana njegove Čapljine.

„Kroz svoj rad u Općinskom vijeću, prvenstveno ću se zalagati za zaustavljanje odlaska mladih kroz poboljšanje uslova za život i rad u našoj općini. Pored borbe za poboljšanje uslova za mlade, posvetit ću se i borbi za uspostavljanje ravnopravnosti svih građanki i građana u općini Čapljini, bez obzira na njihovu religijsku ili nacionalnu pripadnost, jer je Čapljina danas više nego ikad pogodena ovakvim vidom diskriminacije. BiH je zahvatila velika epidemija iseljavanja mladih ljudi u evropske i prekooceanske zemlje. Nažalost, taj trend nije zaobišao ni Čapljinu. Mladi ljudi, pa i čitave porodice napuštaju našu državu i naš grad, čim im se za to ukaže prilika. Jednostavno, građani su dovedeni na rub egzistencije i ne vide drugi izlaz“, smatra Merdan i dodaje da nisu samo siromaštvo i nezaposlenost faktori koji doprinose ovom trendu.



Amandmani na Ustav Kantona Sarajevo nisu sistemsko i cijelovito rješenje za lokalnu samoupravu u Kantonu Sarajevo, poručeno je na konferenciji za novinare održanoj u Kantonalnoj organizaciji SDP BiH Sarajevo. Prisutnim medijima obratili su se Irfan Čengić, generalni sekretar SDP BiH, Damir Mašić, predsjednik KO SDP BiH Sarajevo, i Miroslav Živanović, vijećnik u Gradskom vijeću.

„SDP BiH će u najskorijem periodu pripremiti izmjene svih potrebnih propisa na različitim nivoima kako bismo uveli direktni izbor gradonačelnika i zamjenika gradonačelnika Grada Sarajeva, kao i direktni izbor vijećnika Gradskog vijeća. Na taj način spriječiti ćemo da ovaj proces bude produkt političke trgovine. Svakako tu se oslanjam i na saradnju s DF-om i Našom strankom, odnosno njihovim predstavnicima u parlamentima i skupštinama. Važno je da u narednom periodu zajednički djelujemo na svim nivoima vlasti, kako bi se ova inicijativa realizovala i kako bismo dobili gradonačelnika izabranog voljom


## SDP traži direktni izbor gradonačelnika Sarajeva

građana, a ne političkom trgovinom“, poručio je Čengić, koji tvrdi da su predloženi amandmani zapravo paušalna rješenja i kupovina vremena.

“Ova vlada, kao i sve prethodne, ponaša se mačehinski prema općinama, i sve lokalne zajednice su protiv predloženih amandmana. Tražimo da Kanton Sarajevo donese javnu politiku kojom će jasno rješiti sve presude Ustavnog suda kojima je utvrđeno da se krši pravo općina i Grada Sarajeva na lokalnu samoupravu, kao i druga važna pitanja poput komunalne privrede. Zbog specifičnosti Sarajeva smatramo da je za komunalnu privrednu najbolje rješenje sarajevski holding uređen po uzoru na ljubljanski ili zagrebački holding“, naglašava Čengić.

Miroslav Živanović smatra da se ne smije dozvoliti da eventualni neuspjeh ovih amandmana rezultira povlačenjem ovog pitanja sa dnevnog reda.

„Radi se o temeljnim problemima Sarajeva i svih naših građana i građanki. Pozivamo udruženja, organizacije civilnog društva, stručnu i akademsku javnost da se uključe u ovaj proces. Stojimo na raspolaganju da artikulišemo njihove stavove i zahtjeve, te da ih promoviramo kroz Gradsko vijeće i sva tijela gdje će se donositi odluke o budućnosti Sarajeva“, rekao je Živanović.



Denis Mačkić, član Odbora za zdravstvo SDP BiH

## SDA nakon UKCS pod punu kontrolu stavlja i Medicinski fakultet u Sarajevu

Direktorica Univerzitetsko-kliničkog centra Sarajevo (UKCS) Sebija Izetbegović krenula je u novu ofanzivu. Nakon što je UKCS stavila pod potpunu kontrolu, okrenula se ka Medicinskom fakultetu u Sarajevu, s namjerom da na poziciju dekana postavi nekog od svojih poslušnika iz SDA. Na udaru se našla aktualna dekanesa Medicinskog fakulteta u Sarajevu prof. dr. Almira Hadžović-Džovo.

Denis Mačkić, član Odbora za zdravstvo SDP BiH, smatra da je kranje vrijeme da se zaustavi primitivna i bahata politika koju vodi SDA, a koja uništava naše zdravstvo.

„Smjena dekanese medicinskog fakulteta u Sarajevu Almire Hadžović-Džovo predstavlja logičan slijed bahate SDA politike. Započeli su pokušajem zatvaranja Opće bolnice u Sarajevu na kriminalan način, a nastavili nizom obračuna sa svima koji se usude pričati ili razmišljati drugačije od Sebije Izetbegović i



SDA. Cilj je ovladati kompletnim zdravstvenim sistemom Kantona Sarajevo i njegovim resursima ne vodeći nikakvog računa o stvarnim potrebama stanovništva i korisnicima zdravstvenih usluga. Kuda nas vodi ovakva politika vladajuće bahate oligarhije najbolje pokazuje broj mladih ljudi koji svakodnevno napuštaju ovu zemlju“, poručio je Mačkić.

## Započela sa radom vijećničko – poslanička kancelarija u SDP Živinice

Kako bi održali direktni kontakt sa građanima i omogućili im da lakše dolaze do Socijaldemokratske partije i naših predstavnika u vlasti, u Živinicama je pokrenut projekat „Vijećnici- poslanici za sve nas“. Kroz ovaj projekat nastoji se vijećnike SDP BiH učiniti dostupnim svim građanima, a kancelariju SDP BiH učiniti prostorom gdje građani mogu doći, predstaviti svoj problem, posavjetovati se, uputiti

neku inicijativu, porazgovarati sa svojim vijećnicima-poslanicima, načelnikom i informisati se. Uslijed općeg gubitka povjerenja u demokratske institucije nužno je ohrabriti građane i pokazati im da je SDP njihov servis i politička snaga koja će se za njih boriti i zastupati ih u tijelima i organima Općine, kantona i države.

## Novi pad Općine Bugojno



Posljednjih godina ljudi koji vode Općinu Bugojno, općinski načelnik Hasan Ajkunić i predstavnici političkih stranaka u svojim javnim nastupima forsiraju za njih „vidni“ ekonomski razvoj Općine Bugojno, te neargumentovano tvrde da je Bugojno grad ugodnog življenja, a pritom zaboravljaju ključne alarmantne probleme u lokalnoj zajednici. „S druge strane, imamo zvanične podatke Federalnog zavoda za programiranje razvoja, koji svake godine naprave izvještaj o socioekonomskim pokazateljima. Naime, svake godine imamo rang-listu razvijenosti svih općina FBiH. Općina Bugojno, prema posljednjem objavljenom izvještaju Federalnog zavoda za programiranje razvoja iz 2016. godine, od 79 općina u FBiH Općina Bugojno zauzima 58. mjesto, te se svrstava u grupu nedovoljno razvijenih općina. Podsjetimo se, prema objavljenom izvještaju Zavoda iz 2015. godine od 79 općina u FBiH Općina Bugojno zauzela je 55. mjesto, a u 2014. godini naša općina je zauzela 51. mjesto. Vladajuća struktura na čelu sa načelnikom Općine Bugojno Hasantom Ajkunićem, situaciju u Bugojnu, koja je više nego alarmantna, prikazuje kao da sve funkcioniše u najboljem redu. Svjedoci smo da to nije tačno, a u prilog tome ide činjenica da već

nekoliko mjeseci željno čekamo otvaranje fabrika, dolaske najavljenih španskih, ali i drugih investitora koji će poboljšati privrednu sliku Bugojna. Umjesto toga mi vidimo samo povećanje broja nezaposlenih na evidenciji Biroa za zapošljavanje, te svakodnevni odlazak mladih ljudi, ali i onih u srednjem životnom dobu. Odlaze čitave porodice, i vade kartu u jednom pravcu, što je i više alarmantno, ali niko od nadležnih ne reaguje, niti se oglašava. Pitamo se da li to znači da nisu svjesni ovog problema, ili se ne žele suočiti s njim. Ne želimo ni pomisliti, a vrlo je moguće je, da ovakva situacija odgovara lokalnoj vlasti, jer je idealna prilika za ostvarivanje ličnih i drugih interesa. Mnogo slušamo priča o industrijskoj zoni, kako u predizbornoj kampanji, tako i poslije, ali ništa konkretno se ne događa. Bugojancima se tim praznim obećanjima o dolasku nepostojećih firmi, između ostalog, nastaje zamazati oči. Da ne bude da smo pesimistični, ostaje nuda da će se bar nešto od pompeznog najavljenih investitora ipak pojaviti, te olakšati već ionako dugi spisak Biroa za zapošljavanje, koji će se ovog ljeta još više povećati. Na evidenciju će se kao i svake godine prijaviti veći broj završenih srednjoškolaca i studenata“, navodi se u saopštenju OO SDP Bugojno.

## Zapošljavanje u Banovićima moguće samo sa članskom karticom SDA



Kantonalna organizacija SDP BiH Tuzla i Općinska organizacija SDP BiH Banovići nedavno su održali konferenciju za medije na temu nepotizam i diskriminacija prilikom zapošljavanja u RMU Banovići.

„U pitanju je upotreba vatrengog oružja i ranjavanje koje se dogodilo u Banovićima. Ovaj slučaj je samo jasno naglasio kako se praktično vrši prijem u javno preduzeće RMU Banovići. Jedini dokument koji se traži prilikom zapošljavanja je članska kartica SDA i rodni list iz Banovića, ne vrijednuje se čak ni učešće u Armiji RBiH“, rekao je Enver Bijedić, predsjednik KO SDP BiH Tuzla, te javno pitao premijera Vlade FBiH Fadila Novalića, da li je ovo javno i transparentno zapošljavanje u javnim preduzećima kako on to ističe.

„Želimo ukazati na probleme diktature, nepotizma i bahatog odnosa vlasti SDA Banovići što je rezultiralo tragičnim događajem. Najporaznija činjenica je da priliku za zaposlenje ne mogu dobiti ni najbolji sinovi BiH, koji su branili ovu državu. Iako SDP BiH svo ovo vrijeme apeluje da nadležni organi izvrše kontrolu i nadziru psotupak zapošljavanja u RMU Banovići, do toga nije došlo“, izjavio je Mirnes Mujkić, predsjednik OO SDP BiH Banovići.

„Svima je jasno da se radi o jednom konceptu stranačkog zapošljavanja, osmišljenom u Banovićima, koji se prenio i na Tuzlanski kanton. Zavod za zapošljavanje ima tri programa koji su napravljeni sa ciljem da se zapošljavaju stranaki kadrovi SDA. Ovaj slučaj u Banovićima je jasan dokaz o čemu se radi, pozivam tužilaštvo da konačno počne raditi svoj posao“, rekao je Dževad Hadžić, šef Kluba poslanika SDP BiH u Skupštini Tuzlanskog kantona.

„Imamo primjer gdje je demobilisani borac pokrenuo krivičnu prijavu ali zbog navodnog nedovoljnog broja ljudi koji smiju svjedočiti tužilaštvo još nije podiglo optužnicu. Dobio je veliki broj odbijenica zato što nije htio da pristupi SDA i zato što nije u milosti predsjednika mjesnog odbora SDA koji kroji listu onih koji će biti primljeni“, dodao je Kadrija Mešić, član OO SDP BiH Banovići.



Jajce



## SDP neće biti privjesak SDA

Očekivalo se od SDP-a i mene da bespogovorno budemo privjesak SDA-u i budemo sretni sa marginalnim mjestima u još marginalnijim općinskim komisijama. Nažalost, neki članovi OO SDP-a Jajce (koji su izbačeni iz stranke) su do sada pristajali na to – valjda je zbog toga načelnik toliko i šokiran stavom da SDP neće biti ruka prevage niti u korist SDA, niti u korist HDZ u Jajcu, kazala je nedavno Edina Kurt, predsjednica OO SDP BiH Jajce i vijećnica SDP u OV Jajce. „Rezultat lokalnih izbora je pokazao da preko 10 hiljada građana (od njih 12 hiljada koliko ih je glasalo) želi da ih u naredne četiri godine predstavljaju stranke okupljene oko HDZ-a BiH i SDA. Umjesto da preuzmu odgovornost i opravdaju povjerenje građana, te postignu dogovor prihvatljiv za sve građane općine, mi nakon izbora imamo katastrofalno stanje; Nije formirano

OV, budžet je proglašen od strane načelnika što znači da tek nekolicina okupljenih ljudi oko načelnika raspodjeljuje oko 10 miliona maraka javnog novca prema vlastitim željama i potrebama, evidentan je porast nacionalnih tenzija kao u periodu neposredno nakon rata. Načelnik Hozan je svojom retrogradnom politikom u prošlom mandatu doveo do „zbijanja redova“ unutar hrvatskog i bošnjačkog biračkog tijela i njihove dodatne radikalizacije, a na politički tron su se vratili ljudi za koje se vjerovalo da su davno završili političke karijere, kao i ideje koje su trebale biti na historijskom smetljisu. Njegov prethodnik i stranački kolega, dr. Nisvet Hrnjić, iz ove perspektive se čini kao istinski vizionar po menadžerskim sposobnostima i kozmopolit po odnosima prema drugim i drugaćijim“, navodi Kurt.

## Loša politika i lični interesи doveli su Unsko-sanski kanton na rub bankrota



Tokom zasjedanja Skupštine Unsko-sanskog kantona 12. juna, imali smo priliku čuti različite izgovore vezane za katastrofalnu situaciju u Budžetu Unsko-sanskog kantona za 2016. godinu, gdje se ogroman deficit pokušava predstaviti kao zadovoljavajuće stanje, navodi se u saopštenju KO SDP USK.

„Neozbiljno je tvrditi kako je Budžet USK u su-

ficitu, kada je zvanično iskazan gubitak od 5.757.031 KM, dok se finansijska dubioza povećava iz dana u dan, a neplaćene obaveze u prošloj godini dostigle su 64 miliona KM sa tendencijom daljeg pogoršavanja. U prvim mjesecima ove godine suma neplaćenih obaveza povećana je za još 9 miliona KM. Zakonom o fiskalnom poslovanju, koji se primjenjuje od početka ove godine, članom 4. propisana je obaveza i preduzimanje mjera za osiguranje likvidnosti. Članom 17. opisano je kada nastupa nelikvidnost, a između ostalih, u jednoj od odredbi naznačeno je da nelikvidnost nastupa ako se kasni više od 30 dana sa isplatom plaće u visini ugovorene plaće, te plaćanjem pripadajućih poreza i doprinosa koje se moraju obračunati i uplatiti zajedno sa plaćom.

Budžetskim korisnicima plate kasne po dva mjeseca kao i topli obroci, a nije isplaćen ni davan obećani regres za 2016. godinu, kao ni dobar

## Budžet Brčko Distrikta BiH lista želja skupštinske većine



Organizacija SDP BiH Brčko distrikta BiH održala je konferenciju za medije, a tema kao i povod je naredna sjednica Skupštine Brčko distrikta BiH na kojoj će se raspravljati o budžetu Brčko distrikta BiH za 2017.godinu.“Nekoliko godina unazad budžet Brčko distrikta BiH usvaja se polovinom tekuće godine tj. postao je praksa koja je negativna i koja nije dobra za građane Brčko distrikta BiH. Ostali smo što je sasvim očigledno nakon političkih prestrojavanja u Brčko distriktu BiH jedini relevantan politički faktor u Skupštini Brčko distrikta BiH koji je zadržao svoje opoziciono djelovanje i koji kritički i argumentovano ocjenjuje loš rad vlasti u našem gradu“, rekao je Suad Burić predsjednik Organizacije SDP BiH Brčko distrikta BiH.

Što se tiče Budžeta za 2017.godinu, u SDP-u ga smatraju rasipničkim i pogubnim za građane Brčkog. On je sastavljen po željama skupštinske većine i predstavlja tipičan politički budžet , koji je zasnovan na nerelanim ekonomskim pokazateljima a koji se manifestuje kroz podjelu velikog broja grantova podobnjima.

„Ovaj budžet je poguban za građane Brčko distrikta BiH i da u svakom svom pogledu urušava Brčko distrikta BiH. Mi smo predložili amandmane koji podrazumijevaju socijalnu osjetljivost, amandmane za povećanje sredstava javne kuhinje u našem gradu, amandmane za bolji život mladih, a koji se manifestuju kroz odobravanje sredstava za pomoći mladim bračnim parovima te zapošljavanje mladih u realnom sektoru, te amandmane koji se odnose na pomoći penzionerima i ne zaposlenim. Tu se naravno nalaze i amandmani kao potreba svih mjesnih zajednica sa prostora Distrikta, a koji su prosistekli iz razgovora s predstvincima mjesnih zajednica sa prostora Brčko distrikta“, naveo je Esad Atić, šef Kluba zastupnika u Skupštini Brčko distrikta BiH.

dio drugih obaveza predviđenih budžetom USK, a koje na današnji dan dostižu 73 miliona KM. Prema svim ovim parametrima budžet USK je izgubio likvidnost.

Vlada USK ne izvršava obaveze prema dobavljačima, ne plaća troškove zakupa poslovnih prostorija, ne plaća komunalne naknade općinama i gradovima, ne refundiraju se naknade za izgradnju skloništa, ne plaćaju se troškovi grijanja, ne plaćaju se naknade trudnicama, ne isplaćuju se grantovi centrima za socijalni rad, komunalne naknade, troškovi odvoza smeća, stotine su hiljada KM duga za utrošenu vodu, plus drugi troškovi, a po raznim osnovama, npr. samo gradu Bihaću Vlada USK duguje blizu 6 miliona KM. Ovakvim neodgovornim odnosom oštećeni su budžeti gradova i općina, a dovodi se u pitanje i poslovanje preduzeća i ustanova kojima Vlada USK duguje milione KM“, navodi se u saopštenju ove organizacije.



## Prestati sa stranačkim zapošljavanjima

Delegat u federalnom Domu naroda Edin Forto (Naša stranka), i federalni zastupnici Mira Grgić (SDP BiH) i Amra Kunovac (DF) u Maloj sali KSC-a u Bugojnu, održali su javnu tribinu „Kako se zapošljavaju i za koga rade državni službenici“ na kojoj su sa građanima razgovarali o antikorupcivom djelovanju opozicije u Parlamentu Federacije, te prijedlozima zakonskih rješenja koje će zajednički ponuditi SDP, DF i Naša stranka.

Predstavnici SDP-a, Naše stranke i Demokratske fronte govorili su o zajedničkom Prijedlogu zakona o obaveznom informiranju javnosti o sistematizaciji, statusu, plaćama i pristupu radnim mjestima u javnim organima, koji opozicija želi zajednički uputiti u parlamentarnu proceduru, ali i generalno o praksama koje se tiču netransparentnosti u zapošljavanju.

U javnom sektoru rade članovi vladajućih stranaka i takvu koruptivnu praksu treba spriječiti, jedan je od zaključaka tribine tri opozicione stranke održane u Bugojnu.

Korupcija je jedan od najvećih problema našega društva, također i zapošljavanje. Lijeve stranke u

BiH ovog puta Naša Stranka, DF i SDP BiH zajedno su radili na nekim projektima. Jedan od tih projekata je prijedlog zakona o obaveznom informisanju javnosti, o sistematizaciji, stanju i načinu pristupanja rada organima javne uprave u Federaciji. To bi bio jedan zakon koji bi vjerovalno, njegovim usvajanjem i njegovom primjenom, smanjila bi se korupcija u zapošljavanju. To je jedan veliki problem u našem društvu danas. Lijeve stranke žele da naprave jedan zakon, zato imamo niz javnih tribina u cijeloj Federaciji. Samim tim što organizujemo te javne tribine, želimo taj prijedlog da predstavimo građanima i da građani uzmu učešće u stvaranju dobrog prijedloga zakona koji bi imao podršku u parlamentima, kako bi se taj zakon usvojio i implementirao i smanjila se korupcija pri zapošljavanju – kazala je Mira Grgić, zastupnica SDP-a u Federalnom parlamentu.

Naša stranka, Demokratska fronta i Socijaldemokratska partija BiH predložit će zakon o obaveznom informisanju javnosti o sistematizaciji, statusu, plaćama i pristupu radnim mjestima u javnim organima.

## SDP BiH Tuzla je najjača i najbrojnija partijska organizacija u Gradu Tuzla

članovi SDP BiH. Podsjećanja radi, neki od tih su još davo pokušali nanijeti štetu SDP BiH u procesu reevidencije članstva, kada su donosili fiktivne spiskove ljudi koje su željeli učlaniti u SDP BiH, što naravno nismo dozvolili. Opravданo smatramo da su sad te iste spiskove ponudili Stranci za BiH, predstavljajući to prelaskom članstva iz SDP BiH.

Predsjednik SBiH, gospodin Jerlagić, čija stranka na izborima u Tuzli, nije osvojila niti minimum potreban da osvoji mandat bar za jednoga vijećnika, raduje se što su mu pristupili bivši članovi SDP-a Jovanović i Hasić. I mi u SDP-u se tome radujemo i svakodnevno primamo pozive oduševljenog članstva.

SBiH smatra da se bitno pojačala sa pomenutom dvojicom i navodnih 200 bivših članova SDP-a, koje mi do danas nismo uspjeli identifikovati. Smatramo da, nakon isključenog Jovanovića i, u SDP-u i u gradu opravdano nepopularnog Hasića, možemo očekivati još brži rast podrške SDP-u u Tuzli“, dodaje se u saopštenju.

„Ovo smatramo zlonamjernim dezinformisanjem javnosti od strane pojedinaca koji više i nisu bili

## Loša organizacija izvođenja radova na izgradnji kolektora



zgradnja kolektora jedan je od najznačajniji projekata u poslijeratnoj povijesti Mostara, ali problem predstavlja loša organizacija izvođenja radova, izjavio je predsjednik Gradskog odbora GO SDP-a BiH Mostar Edin Zagorčić.

Ovakvim načinom izgradnje kolektora posebno su ugrožena pojedina naselja u Mostaru, posebice u naselju Luka, kazao je Zagorčić navodeći kako je dinamika radova u tom naselju jako loša.

„Izvođaču radova očito fali radne snage, tehnike i stručnosti jer je prilikom izvođenja radova došlo do kidanja i prekida javne rasvjete, a nakon toga i vodovodne mreže – istaknuo je Zagorčić.

U GO SDP-a Mostar smatraju kako ovo nije način na koji se trebaju izvoditi radovi na izgradnji kolektora. SDP Mostar traži od Gradske uprave Grada Mostara da sazove press konferenciju na temu izgradnje kolektora, na kojoj će građane na transparentan način obavijestiti o određenoj dinamici radova i dalnjim koracima. Takoder, zahtijevaju od Gradske uprave da sankcionira i javno prozove pojedine izvođače radova za probijanje rokova i nestručno poslovanje. Iz SDP-a apeliraju na Gradsku upravu da ne otvara nove dionice dok se postojeće ne završe jer će to dovesti do još većeg prometnog kolapsa u gradu. Po Zagorčićevim riječima, drugi goruci problem su parkirališta u gradu.

Ocijenio je kako je do ovakvoga stanja u gradu dovelo nelegalno zauzimanje javnih površina, veliki broj divljih privatnih parkinga i loše organizirano i promašeno poduzeće “MO-Parking”. Od Gradske uprave iz Mostarskog SDP-a zahtijevaju hitan inspekcijski nazor nelegalno zauzetaih javnih površina, te da se uvedu u sustav i fiskaliziraju sva nelegalna parkirališta u gradu i da Gradska uprava izvrši korekciju kretanja te osigura adekvatno parkiralište za turističke autobuse.

**Preuzmite aplikaciju SDP BiH za mobilne telefone**





## Makedonija

# Makedonija dobila vladu, socijaldemokrata Zoran Zaev novi premijer

Nakon što je izglasan za novog premijera, Zoran Zaev je poručio kako mu je glavni zadatak provedba reformi na putu ka evropskim integracijama, te nezavisno sudstvo.

Nova makedonska vlada je položila zakletvu pred predsjednikom Sobranja Talatom Džaferijem pet minuta prije ponoći. Vlada ima 25 ministara, najviše ih ima Zaevov SDSM 17, stranka DUI Alija Ahmetija šest, a Alijansa za Albance Zijadina Sele dva.

Novi premijer Makedonije, po obrazovanju je ekonomista, a politikom se bavi od 2003. godine, kada je prvi put izabran za poslanika. Od 2005. do kraja 2016. bio je gradonačelnik Strumice u tri mandata, a povukao se, pošto je u decembru 2016. ponovo izabran za poslanika na vanrednim parlamentarnim izborima.

Na lidersku poziciju u SDSM, koji je prije njega vodio harizmatični Branko Crvenkovski, Zaev je došao u ljeto 2013. godine i tada niko nije vje-

rova da će uspjeti da konsoliduje partiju razjedinjenu brojnim izbornim porazima koje joj je u kontinuitetu nanosio politički protivnik, lider konzervativne nacionalističke VMRO-DPMNE i tadašnji premijer Nikola Gruevski.

Zaev je, kako se tvrdi u makedonskoj javnosti, postao ikona mladih Makedonaca i Albanaca koji se zalažu za život u građanskom društvu i bez međuetničkih tenzija.



Njemački socijaldemokrati su službeno podržali bivšeg predsjednika Evropskog parlamenta Martina Schultza kao svog čelnika i izazivača kancelarki Angeli Merkel na izborima, koji se održavaju u septembru.

SPD je od nominacije Schultza za svog predsjednika u januaru doživio preporod, dobivši oko 10 postotnih bodova u anketama i hiljade novih članova. Bivši predsjednik Evropskog parlamenta svoju kampanju temelji na društvenoj pravednosti.

"SPD se vratio! Vratili smo se", poručio je 61-godišnji Schultz pred oko 600 delegata na okupljanju stranke u Berlinu, nedugo prije nego što

je odabran za njihovog čelnika sa svih 605 glasova "za".

Iako SPD kao stranka lijevog centra u posljednjoj anketi Emnida stoji nešto slabije od konzervativaca Angele Merkel, ona je pokazala da bi Schultz na čelu lijeve koalicije, koja bi uključivala krajnje lijevu stranku Linke i Zelene mogao preuzeti vodjenje države. To bi bio prvi slučaj da Njemačka na vlasti ima "crveno-crveno-zelenu" koaliciju na državnom nivou.

"Želimo da SPD nakon federalnih izbora bude najjača stranka kako bi dobila mandat da ovu zemlju učini boljom i pravednijem, te da njenom narodu iskaže poštovanje koje zасlužuje, te

## Njemačka

# SPD-ovac Martin Schultz izazivač kancelarki Angeli Merkel na izborima

da ja, dragi drugovi, postanem idući njemački kancelar", rekao je Schultz.

U svom je govoru kojeg su popratile ovacije ponovio svoje zalaganje za besplatno obrazovanje, ulaganje u medicinsku njegu i škole, kao i programe prekvalifikacije za nezaposlene.

Inače, Schultz je do sada bio popularan kao evropski političar: kao poslanik u Evropskom parlamentu, kao šef tamošnje grupe njemačkog SPD-a i kao šef Poslaničkog kluba socijalista, kandidat evropskih socijalista na izborima 2014. godine, a potom i kao predsjednik parlamenta. Njemački političar Schultz tek sada zapravo istinski nastaje.



## Albanija

# Ramini socijalisti opet na čelu albanske Vlade



Kandidati ljevičarske koalicije "Alijansa za evropsku Albaniju", koju predvode vladajući socijalisti premijera Edija Rame, pobijedili su na lokalnim izborima u Albaniji.

Ova vladajuća koalicija, na osnovu prebrojanih glasova, pobijedila je u 46 od ukupno 61 opštine u Albaniji.

Premijer Albanije Edi Rama ocijenio je da su lokalni izbori, koji su održani u nedjelju 25. juna, bili najslobodniji i najpošteniji koje je Albanija imala u svojoj historiji.

Međunarodni, kao i veliki broj domaćih posmatrača, pozitivno su ocijenili tok izbora.

U biračke spiskove bilo je upisano 3,3 miliona građana koji su birali 61 gradonačelnika/načelnika i 1.595 članova opštinskih parlamenta.

Edi Rama (rođen 4. jula 1964), je premijer Albanije od 2013. godine. Od 2005. je predsjednik naše sestrinske Socijalističke partije Albanije. Rama je vršio i funkcije ministra obrazovanja (1998-2000) a dugo je bio i gradonačelnik Tirane (2000-2011). Predvodio je lijevu koaliciju koja je na izborima u junu 2013. pobijedila vladajuću konzervativnu grupu koju je predvodio Sali Berisha.

Tokom 2004. dobio je nagradu "Svjetski gradonačelnik", a 2005. je uvršten na Timesovu listu evropskih heroja.

Svjetsku slavu Rami su donijeli projekti uređenja Tirane, među kojima su posebno poznati projekti grada vedrih boja, u okviru kojeg je započeto sređivanje fasada starih zgrada i čišćenje obale rijeke Lane koja protiče kroz Tiranu.



## Velika Britanija Laburisti nakon izbora dobili 150.000 novih članova

Laburisti su dobili 150.000 novih članova nakon što je stranka Jeremy Corbyna zabilježila historijski uspjeh na općim izborima u Velikoj Britaniji. Članstvo je poraslo nakon izbornih rezultata po kojim konzervativci Therese May nisu uspjeli osvojiti absolutnu većinu u parlamentu. Očekivalo se da će laburisti ostvariti veliki neuspjeh, ali izbori su pokazali kako je stranka ostvarila svoje najbolje rezultate ikada osvojivši ukupno 262 zastupnička mesta u parlamentu.

Corbyn je izjavio kako rezultati izbora predstavljaju odbacivanje "politike straha," te je dodao "mi smo spremni u bilo kojem trenutku" da preuzememo vlast u slučaju da se premijerkina vlada raspadne.

### Ko je Jeremy Bernard Corbyn?

Jeremy Bernard Corbyn (26. maj 1949) je britanski laburistički političar koji je 2015. postao predsjednik Laburističke stranke Velike Britanije, odnosno vođa službene opozicije u Parlamentu. Corbyn od 1983. godine zastupa Islington North u britanskom Parlamentu.

Corbyn, koji je svoju političku karijeru započeo u sindikatima, sebe deklarira kao demokratskog socijalista te se dugo vremena smatrao pripadnikom krajnje lijevog krila Laburističke stranke. Posljednjih godina se isticao žestokom kritikom rata u Iraku, kao i rata u Afganistanu, te izraelske politike prema Palestincima. Za mjesto vođe laburista se kandidirao nakon što je Ed Miliband podnio ostavku, preuzevši odgovornost za katastrofalni poraz laburista na izborima. Tokom kampanje su javnosti postali njegovi stavovi o ukidanju ili značajnom smanjenju ovlasti monarhije, napuštanju Sjeverne Irske, jednostranom nuklearnom razoružanju, ponovnoj nacionalizaciji željeznica i drugih javnih preduzeća. Lako se ispočetka smatrao marginalnim autsajderom, na izborima je premoćno pobijedio, a što se često tumači podrškom sindikata, ali i velikog broja mladih laburističkih glasača koji su se protivili laburističkom establišmentu, odnosno dotadašnjoj centrističkoj i trećeputaškoj politici Novih laburista Tonyja Blaira za koju drže da je "izdala" niže slojeve, odnosno da se nimalo ne razlikuje od vladajućih konzervativaca.

Veliki uspon, povećanje broja glasova i broja mandata na posljednjim izborima u Velikoj Britaniji, pokazuju da su Laburisti pod vodstvom Corbyna imaju svjetlu budućnost.



"Mladi predstavnici socijaldemokrata iz zemalja Balkana okupili su se na višednevnoj konferenciji "Balkan Round Table" u Sarajevu da bi razgovarali o političkim prilikama u ovim zemljama.

Konferenciju je organizirao Forum mladih Socijaldemokratske partije (SDP) Bosne i Hercegovine i Međunarodna unija mladih socijalista (International Union of Socialist Youth – IUSY), a bio je upriličen i prvi sastanak Predsjedništva Mladih evropskih socijalista (Young European Socialists – YES).

Potpredsjednica SDP-a BiH Lana Prlić istaknula je na da je "Balkan Round Table" zapravo dokaz

da socijaldemokrati okupljaju dok ostali razdjeli injuji, cijeneći razlike kao istinske vrijednosti. Kazala je da mladi iz ovih zemalja imaju zajednički cilj da pomognu u izgradnji država na način da se svaki državljanin ovih zemalja osjeća vrijednim bez obzira na to da li pripadao većini ili ne.

Generalni sekretar IUSY-a Alessandro Pirisi ocjenio je da je od ključne važnosti da mladi u ovom trenutku razgovaraju o budućnosti svojih zemalja jer je i cilj ove organizacije da svi budu zajedno i djeluju ujedinjeno.

"Ovdje smo da pronađemo zajednička rješenja za zajedničke probleme kao i da pokažemo soli-

darnost unutar organizacije", pojasnio je Pirisi. Predsjednik YES-a Joao Durante Albuquerque je napomenuo da za prvi sastanak YES-a, kojim se obilježava aktivnost ove organizacije, nije slučajno odabранo Sarajevo kao mjesto okupljanja jer je to grad koji ima veliku historijsku važnost.

"Znamo da situacija u zemljama Balkana poboljšava u posljednjih 20 godina, a svjesni i da se ekonomija razvija, ali smo uvjereni da samo socijaldemokratskim pristupom u vladama možemo osigurati pravednije društvo za sve građane regije", smatra Albuquerque.



Početkom juna u Sarajevu, završen je I i II modul Socijaldemokratske akademije rodne ravnopravnosti, koju Forum žena SDP BiH realizuje u saradnji sa organizacijom Forum lijeve inicijative i Međunarodnim centrom Olof Palme. Cilj modula Akademije je da ukaže na potrebu uključivanja muškaraca u ostvarivanju rodne ravnopravnosti.

Modul su otvorili Irfan Čengić, generalni sekretar SDP BiH i prof. Nermina Zaimović – Uznunović, predsjednica Forum žena SDP BiH i Miroslav Živanović, direktor Forum lijeve inicijative, koji su polaznicima ukazali na problem rodne neravnopravnosti muškaraca i žena u BiH, kako u politici, obrazovanju, na radnom mjestu, tako i u svim drugim segmentima društva. To-

kom trajanja trodnevne edukacije učesnici i učesnice su aktivno učestvovali u diskusijama o demokratskim procesima i položaju žena, institucionalnim i zakonskim okvirima za rodnu ravnopravnost. Žene na tržištu rada je tema narednog modula koji će se održati u Mostaru.



Socijaldemokratski kratki otvoreni kurs – SKOK predstavlja potpuno novi pristup političkom obrazovanju mladih socijaldemokrata i socijaldemokratkinja, i kao takav namijenjen je svim mladim ljudima, članovima, simpatizerima, te aktivistima NVO. SKOK je održan u 42 lokalne sredine, te je isti prošlo 618 osoba, od toga 385 muškaraca i 233 žena. Realizovan je u periodu od 20. februara do 17. aprila. Najveći broj učesnika je zabilježen u Živinicama, Maglaju, Gračanicima i Zavidovićima sa preko 30 učesnika/ca. SKOK je ocijenjen kao veoma uspješan program edukacije koji treba nastaviti i u budućnosti, kako od strane učesnika/ca, tako i na bazi interne evaluacije organizatora.

### Forum mladih

## Mladi socijaldemokrati iz regije predložit će rješenja za probleme na Balkanu

Kako je sve počelo? Na bazi dosadašnjeg iskustva kada su u pitanju edukativni programi koje realizuje SDP BiH uz podršku partnerskih organizacija, ukazala se potreba da se dati programi sistemski uvežu, te da se na neki način unaprijede i dograde. S tim u vezi, predloženo je stepenovanje svih programa edukacija, u ovom slučaju namijenjenih za mlade, na način da je prvi nivo edukacije jednodnevni motivirajući trening (SKOK), drugi nivo Politička škola, a zatim slijedi Akademija socijalne demokratije. SKOK je u projektu trajao tri do četiri sata, зависno od diskusije i broja učesnika/ca, sa fokusom na temu Uvod u socijaldemokratiju, gdje su učesnici imali priliku pogledati motivirajuće govo-

re (video) Olof Palmea, Martin Luter Kinga, Zorana Đindjića, zatim video kako osnovati pokret i video o prevazilaženju neuspjeha. Trening je završen prezentacijom Političke škole i Akademije, te testiranjem. Imajući u vidu veoma kratak vremenski period za održavanje SKOK-a, formirani su timovi edukatora/ica, te je često bio slučaj da se SKOK istovremeno održava u dva ili više bh. gradova. Edukatori su bili: Arijana Huseinović, Vedad Hadarević, Lana Prlić, Adi Kasumović, Damir Filipović, Aldin Krivan, Sanin Ćutahija, Malik Garibija, Predrag Puharić, Dino Nikšić, Irma Efendić i Jelena Pekić. U organizaciji SKOK-a su u potpunosti bili uključeni uposlenici/e FLI-ja, službe u centrali SDP BiH, te lokalne organizacije SDP-a.

### Forum žena

## Socijaldemokratska akademija rodne ravnopravnosti



## Forum seniora i Forum sindikalnih aktivista i aktivistica



## Švedski socijaldemokratski parlamentaraci i parlamentarke posjetili SDP BiH

Grupa socijaldemokratskih parlamentaraca iz državnog parlamenta Riksdagen je nedavno posjetila centralu SDP BiH. Tema sastanka je politička situacija u BiH, kao i stanje socijaldemokratije u kontekstu dominantnih nacionalističkih i patrijarhalnih politika u okviru dejtonskog uređenja države bazirane na etnonacionalnoj osnovi.

Gosti parlamentarci bili su Johan Andersson, Teresa Carvalho, Anna-Lena Sörenson, Mattias Ottoson, Eva Lindh i predsjednica partijske organizacije Östergötland Ellen Aguirre. Ispred SDP-a sastanku su prisustvovali federalni zastupnici Jasmina Zubić i Elvir Karajbić, predsjednica Forum-a seniora Suada Hadžović, predsjednik Savjeta za razvoj Karlo Filipović, predsjednik Savjeta

za ekonomski razvoj Anto Domazet, te predsjednica Forum-a sindikalnih aktivista i aktivistica SDP BiH Emina Abrahamsdotter.

Istaknuti su problemi vezani za Reformsku agendu, koja je potpuno odvojena od ciljeva održivog razvoja, ne uzimajući u obzir rasprostranjeno siromaštvo, nizak standard radničke klase, te veliku isključenost žena sa tržista rada. Posebno je zabrinjavajuće promovisanje niskih plata i jeftine radne snage od strane Vlade FBiH kao komparativnih prednosti BiH koje bi trebale privući vlasnike kapitala, iako 25 posto domaćih radnika i radnica žive u siromaštvu, jer su plate koje zarađuju nedovoljne za dostoјanstven život.



## Mlade ljudi moramo zadržati u BiH

Forum mladih Socijaldemokratske partije BiH je uzeo učešće u kampanji Partije evropskih socijalista, koja promovira borbu protiv nezaposlenosti mladih. Ova kampanja se, osim u BiH, provodila i u nekoliko gradova evropskih zemalja. Cilj ulične akcije bilo je ukazivanje na to da se križe nezaposlenosti mladih, siromaštva i socijalne isključenosti širom Evrope, može prevazići kroz održivo ulaganje u vještine i životne šanse mladih ljudi.

„SDP BiH je partija koja prepoznaje kapacitete mladih ljudi, te im daje šansu da se aktivno uključe u rješavanje problema mlade populacije u BiH. Nakon poražavajućih brojki od više od 80.000 mladih koji su napustili našu državu u potrazi za zaposlenjem širom Evrope, odlučili smo mladima ponuditi naš plan, koji će biti dio našeg Izbornog programa 2018. Partija evropskih socijalista je pozvala našu

partiju da se drugi put pridružimo mladim socijaldemokratama Europe u promoviranju Plana za mlade, koji za cilj ima zapošljavanje i obrazovanje mladih. Ovom akcijom se pridružujemo mladima cijele Europe u borbi za bolje uvjete za mlade ljudi! Promocija Plana za mlade, kako evropskog, tako i Plana za mlade SDP BiH, čija je izrada u toku, za nas predstavlja jedan u nizu koraka brige o mladim ljudima u BiH, koji svakodnevno odlaze iz naše zemlje.

Pozivamo i druge stranke i organizacije da počnu raditi na rješavanju ovih problema, sa kojima se naši mladi redovno susreću, kako bi napravili bolje društvo za sve nas“, navela je Lana Pričić, potpredsjednica SDP BiH i ambasadorica Plana za mlade BiH.

Forum mladih Kantonalne organizacije SDP BiH Tuzla je i u Banovićima realizovao ovu akciju, u kojoj su učestvovali mladi socijaldemokrati iz

## Zakon o doprinosima - još jedna šarena laža

Upućivanjem Nacrta zakona o doprinosima u parlamentarnu proceduru, Vlada FBiH želi pokazati da se pridržava Reformske agende i preporuka MMF-a i da sudbina tog zakona više ne zavisi od nje, već od političke volje parlamentarne većine, te tako vlastitu odgovornost za nesposobnost upravljanja reformskim procesima, želi prebaciti na Parlament FBiH.

Takvim formalističkim odnosom prema prioriteta strukturalnih reformi, Vlada želi sebi upisati još jednu više poduzetu mjeru iz Reformske agende, iako je pri tome potpuno svjesna da zbog nedostatka političke volje zakon neće biti usvojen u dogledno vrijeme i da neće biti privrednih subjekata koje će, oslobađanjem od plaćanja doprinos, povećati konkurentnost na tržištu, niti da će smanjenjem visine doprinosu zaposlenim, biti više novih radnih mesta za nezaposlene.

Također, Vlada Federacije je potpuno svjesna da projekcija šireg obuhvata obveznika plaćanja doprinosu uz istovremeno smanjenje stopu doprinosu, sama po sebi, bez suštinske reforme penzionog i invalidskog sistema i bez dodatnih izvora finansiranja, ne može osigurati dugoročnu finansijsku stabilnost Fonda PIO/MIO, socijalnu održivost penzionog sistema i adekvatnost penzija, pa je stoga predloženi Nacrt zakona za SDP BiH neprihvatljiv, istaknuto je na sjednici Predsjedništva Forum-a seniora/ki SDP BiH.

Naime, iako je, prema informacijama ekonomskih analitičara iznesenim u medijima, od potpisivanja Reformske agende, provedeno 75 posto mera, nije se osjetilo povećanje investicija u privredi, otvaranje radnih mesta, rast zaposlenosti i pad nezaposlenosti, što su bili najveći razlozi neusvajanja Izvještaja o radu Vlade za 2016. godinu, od strane Parlamenta FBiH.

Stoga FOS/ki izražava sumnju da će samo upućivanjem zakona u parlamentarnu proceduru bez realizacije svih ostalih mera i bez postojanja političke volje parlamentarne većine, doći do poboljšanja konkurentnosti privrednih subjekata na tržištu, te da će biti više radnih mesta za novo zapošljavanje.

Sa druge strane, ne upuštajući se dublje u analizu predloženih zakonskih rješenja, očigledno je da su poslodavci oslobođeni plaćanja dosadašnjih šest posto doprinosu za PIO čime su, u ime rasterećenja troškova rada, pokazali da ne žele solidarno sa radnicima dijeliti rizik koji nosi biološki proces njihovog starenja. Tako će zajedno sa smanjenom stopom doprinosu koji su izdvajali radnici na bruto plaće sa 23 na 18,50 posto, pad ukupnih prihoda Fonda PIO/MIO iznositi 10 posto.

Banovića, Lukavca, Tuzle i Živinica. Evropski plan za mlade je kampanja koja je zasnovana na četiri stuba, a to su zaposlenje, edukacija, kultura i djeca, a kampanja je podržana od široke mreže organizacija i partnera. Na ovaj način mladi se bore za veće šanse za zaposlenje, mogućnost školovanja za sve, besplatan pristup kulturnim događajima, zdravu ishranu, bolju zdravstvenu zaštitu i zaštitu za svako dijete.



## **Goran Ljubojević (1959-2017)**

Goran Ljubojević je rođen 3. marta 1959. godine u Prnjavoru, a po struci je bio ekonomista.

U periodu od 2014. do 2015. godine Goran Ljubojević je obnašao funkciju predsjednika Glavnog odbora partije, dok je na posljednjim unutarpartijskim izborima izabran za predsjednika Opštinske organizacije SDP-a Prnjavor.

Od 2015. godine obavljao je dužnost potpredsjednika SDP BiH.

Preminuo je 12. maja 2017. godine u Banja Luci.



## SDP BiH se ne treba brinuti za svoju budućnost

Na kraju, pitanje koje se mora postaviti je ko danas ima kapacitet i volju da često iznevjeravanu i osporavanu prirodu i bit građana Bosne i Hercegovine ponovno vrati građanima, da naše principe iznova udahne u živote ljudi?

### Nerin Dizdar

Socijaldemokratska partija Bosne i Hercegovine ove godine obilježava 108 godina svoga postojanja. Preživjeti 108 godina kao politički pokret u Bosni i Hercegovini u svakom slučaju nije nimalo uobičajen fenomen. Naprotiv, radi se o jedinstvenoj pojavi.

Primjera radi, u tom istom vremenskom okviru, naša domovina, Bosna i Hercegovina, bila je sastavnim dijelom državnih uređenja koja su promijenila čak deset različitih imena ili oblika ustrojstva.

Konačno, suverenoj, nezavisnoj Bosni i Hercegovini, u skladu sa važećim Ustavom, određen je trenutni, deseti po redu naziv države Bosne i Hercegovine u posljednjih 108 godina, bez ikakvih prefiksa ili pripadnosti većim državnim zajednicama. Taj naziv država nosi posljednje 22 godine.

SDP BiH je cijelo to vrijeme preživljavao i sa Bosnom i Hercegovinom proživljavao sve sudbinske trenutke - okupacije, agresije, negiranja, osporavanja, ali i njeno jačanje i međunarodnu afirmaciju.

Danas slavimo 108 godina svoga SDP-a, u našoj zemlji, Bosni i Hercegovini svih nas.

Savremeni subjektivitet Bosni i Hercegovini je vraćen kroz ZAVNOBiH, čiji datum prvog zasjedanja i danas obilježavamo kao Dan državnosti. Iako je kroz odluke sa zasjedanja ZAVNOBiH-a ustanovljena tzv. tripartitnost u pripadanju Bosne i Hercegovine (ni srpska, ni hrvatska ni muslimanska/ i srpska i hrvatska i muslimanska), kroz sve dokumente ZAVNOBiH-a snažen je princip uzajamnosti, zajedništva, te općeg i jedinstvenog prava svih građana republike na cijelom njenom teritoriju. Vlada i skupština Bosne i Hercegovine su nazvani jednim imenom - „narodnom“ vladom i skupštinom.

Ni tada, kao ni danas, nije bilo jednostavno othrvati se tendencijama i ideologijama koje su težile rastakanju Bosne i Hercegovine. Štoviše, Josip Broz Tito u jednom kasnijem, sada već poznatom snimljenom nastupu, u kojem prepričava dramatičnost tadašnjih previranja, prenosi stav, princip koji je prevladao među delegatima ZAVNOBiH-a iz čitave zemlje, u prelomnim trenucima usmjeravanja savremene sudbine naše domovine: „Nećete ni jedni ni drugi, nego će Bosna bit' Bosna.

Pa neka bude republika bosanska!“

Tako je u Deklaraciji o pravima građana u Bosni i Hercegovini, usvojenoj na drugom zasjedanju ZAVNOBiH-a, Bosna i Hercegovina imenovana „zajedničkom i nedjeljivom“, a određeno je da će „izborno pravo u demokratskoj Bosni i Hercegovini birači vršiti tajnim glasanjem na osnovu opštег, jednokog i neposrednog prava glasa“.

Međutim, u Bosni i Hercegovini principi su nažalost često znali biti iznevjereni, ali njena historija nikada nije mogla biti izbrisana. Danas nas na provedbu principa koji su građani Bosne i Hercegovine kao vlastitu vrijednost odredili prije gotovo 75 godina „tjeraju“ presude međunarodnih sudova.

Evropski sud za ljudska prava svojim presudama nalaže provedbu principa jednakosti svih građana Bosne i Hercegovine na cijelom njenom teritoriju, pozivajući se na međunarodne akte, konvencije o ljudskim pravima. Te konvencije su usvojene godinama nakon što su te iste vrijednosti kao naše, bosanskohercegovačke, određene na zasjedanjima ZAVNOBiH-a.

Na kraju, pitanje koje se mora postaviti je ko danas ima kapacitet i volju da često iznevjeravanu i osporavanu prirodu i bit građana Bosne i Hercegovine ponovno vrati građanima, da naše principe iznova udahne u živote ljudi? Odgovor na ovo pitanje je više nego jasan: tu snagu i volju ima onaj ko je 108 godina i „deset država“ kasnije još uvijek tu, zajedno sa Bosnom i Hercegovinom, onaj ko je dijelio njenu sudbinu, živio njenu prirodu i prihvatao njenu historijsku odredbu da služi kao primjer mogućnosti bivanja jednim, zajedničkim, a opet tako raznolikim i posebnim.

SDP BiH zato za svoju budućnost ne treba brinuti. Kroz historiju ove zemlje dolazili su i prolazili oni koji su Bosnu i Hercegovinu prekrajali, razdvajali ili pripajali. Oni su otišli, nestali, a Bosna i Hercegovina je opstala i ostala svoja, naša, pa i njihova. Uz nju i sa njom je opstao samo jedan politički pokret, tek 108 godina star.

# INTERNACIONALA

Ustajte, prezreni na svijetu,  
Svi sužnji koje mori glad!  
To razum grmi u svom gnjevu,  
Kraj u ognju bukti sad!  
Prošlost svu zbrisimo za svagda,  
Ustaj, roblje, diži se!  
Sav svijet iz temelja se mijenja  
Mi nismo ništa, bit ćemo sve!

To će biti posljednji  
I odlučni teški boj.  
Sa Internationalom  
Sloboda zemlji svoj!

Устајте, презрени на свијету,  
Сви сужњи које мори глад!  
То разум грми у свом гњеву,  
Крај у огњу буки сад!  
Прошлост сву збришимо за свагда,  
Устај, робље, дижи се!  
Сав свијет из темеља се мијења  
Ми нисмо ништа, бит ћемо све!

To ће бити посљедњи  
И одлучни тешки бој.  
Са Интернационалом  
Слобода земљи свој!

